

Abya melóméló Jis̄s Kras ndere MAKOS ásamé

Mekomejós ayi J̄n menwyaá b̄s manaá Es̄w̄o ágarége

(Mat 3:1-12; Luk 3:1-18; J̄n 1:19-28)

¹ Gé náne abya melóméló ayi Jis̄s Kras, Maá Es̄w̄o ákéné.

² Abya yina aló wyε nkane Asaya muú ekpávé Es̄w̄o ab̄o ásámé nnó,

“Es̄w̄o aké, ‘Wuúgé, nt̄ome nyé muú dent̄ó wa ayi ab̄ó mbe ne w̄o

manchw̄o kwyé meti wyε.’

Asaya ama asá ntó nnó,

³ muú f̄o abene mb̄o né mashw̄one aké,

‘Kwyεge meti Ata dakéné.

Nyaáge éwú ébé cho!’ ”

⁴ Bii f̄o J̄n achw̄o né mashw̄one agarege yéndémuú nnó ákw̄aré met̄ó wuú álya gabo ne áwyaá ji manaá Es̄w̄o nnó, Es̄w̄o ajinte gabo wuú.

⁵ Yéndégébé gejamégé b̄s átanege né gebagé mewaá Judiya ne b̄s Jerosale áko ájyé wu mekomejós J̄n, áshuú ekúu né gabo ayi ebw̄o ápyéé, J̄n awyaágé ebw̄o manaá Es̄w̄o né Ebéé Jodan.

⁶ J̄n afyé mandeé ayi át̄o ne bya mp̄o mashw̄one.

Awélé ekandá mekó menya né gebwe jíí, ne menyéé wuú alu nyá lé égomé ne nwȳó.

⁷ Jɔn agarege bɔɔ aké, “Muú fɔ achwó mbɔ me meso ayi áñeá gеме apwó me, nkwané yé muú ayi nkage mbyéle mme nkaá manyíi unó uka bíi wó.”

⁸ Ama jɔɔ aké, “Me nwyage enyú ne manaá Eɔwɔ mamímamí ne ji ayi áchwɔ awyage nyε enyú ne Mendoó Ukpea.”

Awyaá Jisɔs manaá Eɔwɔ
(Mat 3:13-17; Luk 4:1-13)

⁹ Né gébé eyimbɔ, Jisɔs atané né melɔ Nasaret né gebagé mewaá Galilíi achwó nnó Jɔn awyaá ji manaá Eɔwɔ * né Ebeé Jodan.

¹⁰ Gébégé awyaá ji manaá Eɔwɔ átánege né mmu nnyi, agé mfaanebuú anené Mendoó Ukpea etané mfaá éshúlege ji mmyε nkane gepwine.

¹¹ Ne meko atané mfaánebuú aké, “Wɔ ɔlu maá metɔɔ wa, metɔɔ egɔɔ me ne wɔ dɔɔ.”

Danchɔmeló ammua Jisɔs
(Mat 4:1-11; Luk 4:1-13)

¹² Ténéténé yimbɔ Mendoó Ukpea épyε ji afé né mashwɔne.

¹³ Jisɔs abelé ewu usaá ndɔ upea, ne danchɔmeló achwɔ kpelé ji. Mbaá ayi ji alu, menya mebomebo ntó elu wyε ne makiénné Eɔwɔ áchwó pɔɔ Jisɔs.

Jisɔs alɔ utɔɔ bíi né Galilíi
(Mat 4:12-17; Luk 4:14, 15)

¹⁴ Ewyagé Herɔd apyéé Jɔn áfyε denɔ. Jisɔs atané né gebagé mewaá Judiya afé né Galilíi agarege abya melóméló ayi atané mbaá Eɔwɔ. †

* **1:9** Elú wáwálé nnó: Manwyaá bɔɔ manaá Eɔwɔ ele manlere nnó bɔɔ áfyε matɔɔ bwɔ ne Jisɔs ne ákwólége ji. † **1:14** Elú wáwálé nnó: Ɔkuúge né uba nyε 6:14-29 ɔkage ula bi áfyéé Jɔn denɔ.

15 Ajóoge aké, “Lyage gabo nyú dékámé ne abya Esowó melóméló elé gébé eyigé Esowó ágbarege gefwa jíí gelá kwókwólé.”

*Jisàs akú baá utóó bíí ani abi mbe
(Mat 4:12-17; Luk 5:1-11)*

16 Bíí fò Jisàs abó akoóge né mbále ebeé mega ewé elu né Galilíí, agé Simun ne menmó wuú Andru, áñmée utófó bwó, elé álu áwáné meshuú.

17 Jisàs ajóó ne ebwó aké, “Kwólege me, nlegege nyé enyú ndere ákpálege bóó eké meshuú.”

18 Ténéténé yimbó, ebwó álya utófó ebwó, ne ákwólé jí.

19 Ndere Jisàs ályá eféé ajyéé mbe gachye, agé Jemsi ne Jón menmo wuú, ebwó álu baá Sebēdee. Abó álu mmu ékpée átome upaá utófó bwó.

20 Akuú ebwó, ne yé gébé áchó wó álya nte ebwó Sebēdee né mmu ékpée ne bóó utóó abi ebwó áselé, ne ákwólé jí.

Jisàs afere mende fò meló nchye mmye

21 Jisàs ne baá utóó bíí áfé né Kapanóm, bíí uwyaá bóó Jus ukwónégé afé né echa mmyemenene alo mánlérégé.

22 Bóó áwu nkane jí alárege ála mano mekpo fuú né gefóó eyígé jí álérege néndé alárege ne ncha ayi atane mbaá Esowó épófó eke ánleré mabé Esowó.

23 Mende fò ayi awya meló nchye abó alu ntó mmu echa mmyemenene, aké agéne Jisàs alo mánkalégé aké,

24 “Jisàs ayi Nasaret, okélege mampye esé ndé? Jchwó maníí esé mbwe? Nkage wó, olu Muú Ukpea ayi atané mbaá Esowó.”

25 Jisəs anyá meló nchye yimbə aké, “Kwéné mejóó, táné ji mmye.”

26 Meló nchye yimbə apye ji akalé akwé mme achu gbokgbok ne atané ji mmye.

27 Bóó ako ágégé gefóó yina ala mano mekpo fuú ne ágige atε áké, “Ewé etané efó? Ndofo elé gefógé geno eyi gekε ne utoó? Mende yina awya uto mányá áló nchye ne áwúu ji.”

28 Ewya wó, ngó Jisəs akwó akwóné gebagé mewaá Galilií geko.

*Jisəs apye gejamégé bóó mameé atoo
(Mat 8:14-17; Luk 4:38-41)*

29 Jisəs, Jεmsi ne Jɔn ályágé εcha mmyemenene, εbwó ako áfé cho né gepúgé Simun ne Andru.

30 Ne mmá mendée Simun amee njaja gefwine abelé mfaá ukwó, ágare Jisəs nnó mendée yimbə amee.

31 Awuúge mbə atene ji nekune mmye agbaré ji εbwó abwe ji akwilé ajwəle ka. Ténéténé yimbə gefwine gebyé ji mmye ne mendée yimbə achyé εbwó menyéé.

32 Ne nkwale akwənege, gébége mηmεé epwyaá, bóó áchwó ne bóó mameé ako ne ye abi aló nchye áchyége εbwó εfwyale mbaá Jisəs.

33 Ne gemεge melə geko gechwó chóme né menombi gepú eyige Jisəs álu.

34 Eféé ne Jisəs apyé gejamégé bóó bi ámee ufóó mameé atoo ne ama fére abifo gejamégé aló nchye mmye. Akámé fó aló nchye abifo ájóó mejóó wó néndé ákaá gefógé muú yi ji álu.

*Jisəs agaré mekomejóó Eσωə né gebage mewaá
Galilií*

35 Dondo gemuá mme Jis̄s akwile afé né melu éwé b̄ó alá p̄ó wyéé, anenemmye.

36 Simun ne abif̄o ál̄o ji mánkelé.

37 Agégé ji aké, “Yéndémuú akélege w̄o.”

38 Jis̄s aké ne ebw̄ó, “Esé deb̄o manjye ntó mata mal̄o ayif̄o nnó ngaré ntó ebw̄ó mekomej̄ó Es̄w̄o nende gé genó eyi gepyé me nchw̄ó mb̄o.”

39 Ne Jis̄s aké né gebagé mewaá Galilií geko agarege mekomej̄ó Es̄w̄o né mmu macha mmyemenene bw̄ó ne aférégé b̄ó aló nchye mmye.

Jis̄s apye muú ubá atoó

(Mat 8:1-4; Luk 5:12-16)

40 Bii uma, muú ubá f̄o achw̄ó tó mánó mbe ushu Jis̄s, ane ji mmye aké, “Mb̄ogé akélege, pye me nkpea.”

41 Jis̄s áwuúgemb̄o meshwe akw̄ó ji met̄ó, anyaá ebw̄o wuú ata ji aké, “Nkélege, kpea.”

42 Ajógemb̄o ubá mende yimb̄o ubye, akpea.

43 Jis̄s anerege, aké alyaáge mende yimb̄o nnó ajye, aji ji etu,

44 aj̄ó ne ji aké, “Ekagé ópye muú f̄o akaá genó eyi gépye ne w̄o. Chó léré lé mmye jyé mbaá mémpyé ure Es̄w̄o áchééré agé nnó otó. Ne chyéé genó eyígé ebé Mosis éj̄ó, mampye b̄ó ákaá nnó otó.”

45 Yémb̄o mende yina ajyegge aké agaré abya yina mbaá meko, ne gegare eyi gepyé Jis̄s kpené sé melo gb̄ógónó ajw̄ole shushu, ne yémb̄o b̄ó átánege yéndé mbaá áchw̄ó wyé eta wuú.

2

Jis̄s apye muú úchánchi atoó

(Mat 9:1-8; Luk 5:17-26)

¹ Jis̄s ab̄elégé éwu mboó nd̄o, ama akéré meso né Kapan̄m ne b̄ó áwú nnó alú mmu.

² Gejamégé b̄ó áchw̄o chome né mmu gepú, ágbeé kpaá melu epó sé yé né menombi. Ne Jis̄s ab̄ó agaregé ebwó mekomej̄ó É̄s̄w̄o.

³ Ndere alerege ande f̄o aníi, ákpa muú úchánchi né uló áchw̄o ne ji mbaá Jis̄s.

⁴ Akw̄onégé ágé f̄o meti mánkre ne ji mmu gepú wó, gétúgé b̄ó ájamé d̄ó, ákwó mfaá gepú átí embu né mfaá nchu mbaá yi Jis̄s alu. Anérégé ábw̄e mende yimb̄o ne geb̄o, ápyé ji ashule mme.

⁵ Jis̄s agégé ndere b̄ó bimb̄o áfyéé mat̄ó ne ji, aké ne mende úchánchi yimb̄o, “Maá wa, ájíinte gabo wyé.”

⁶ Eke epyéemb̄o ánleré mabé É̄s̄w̄o f̄o ab̄ó alú eféé, áwúgemb̄o ál̄o mangíge né mat̄ó ebwó nnó ndé muú na?

⁷ “Epye nnó ne mende yina ábyaá É̄s̄w̄o. Aj̄ó eké ji alu É̄s̄w̄o. É̄s̄w̄o mbiú ne akage jinte gabo muú.”

⁸ Jis̄s akaá me genó eyige ebwó áf̄érégé né mmu mat̄ó bwó, agiú ebwó aké, “Ulannó enyú déwya gef̄ogé uf̄éré bimb̄o né mat̄ó nyú?”

⁹ Ndé gelu pere manj̄ó ne muú uchánchi, ‘Nnó ájíinte gabo wyé,’ waá manj̄ó nnó, ‘Kwile téné, pwi geb̄o jyé ke ójye.’

¹⁰ Nkelege mámpye enyú dékaá nnó Maá Nte Mekwaá awyaá uto fa mme manjinte gabo mekwaá.” Jis̄s aké ne mende úchánchi yimb̄o,

¹¹ “Kwile téné, pwi geb̄o jyé, ójye mmu.”

¹² Aj̄ogemb̄o, mende yimb̄o akwilé téné mbe ushu bwó ako, apwi geb̄o awulé né gepú jíi. Ne b̄ó ako alá mano mekpo fuú, áféége É̄s̄w̄o ake, “Ese delú danjé gef̄ó geno eyige na.”

*Jis̄s akú Levi ndere maá utó wuú
(Mat 9:9-13; Luk 5:27-32)*

¹³ Bii f́ Jis̄s ama jyε né mbále géntoógé mewaá Galilí. Ne gejamégé b́ó áchwá nó ji mme, ala manleré ebẃó mekomej́ó Es̄wá.

¹⁴ Ndere Jis̄s álya eféé akene ajyε, agé Levi maá Alf̄s. Ajwólé né melú utó wuú ásele ñkámakpo. Jis̄s akuú ji aké, “Kwólé me.” Ne akwilé ka ala mankwólé ji.

¹⁵ Ewyágé ndere Jis̄s ajwóle ányéé menyéé ne baá utó bii né gepúgé Levi, gejamégé ánselé ñkámakpo ne b́ó ubeé ne gejamégé b́ó abifo abi ákwólege Jis̄s, ab́ó ányéé ntó menyéé ne ji.

¹⁶ Ne ánleré mabé Es̄wá f́ó abi alú b́ó Farasi, ágégé nkane Jis̄s anyéé menyéé ne ánselé ñká makpo ne b́ó ubeé, ágii baá utó bii aké, “Ulannó ne Jis̄s anyéé menyéé ne ánselé ñkámakpo ne b́ó ubeé?”

¹⁷ Jis̄s awúgé genó eyíge ebẃó ágii baá utó bii, ató ebẃó neka aké, “B́ó abi álá meé, ákélégé f́ó muú uka, élé abi ámeé ne ákélege. Ne me nchẃó f́ó fa mme mánkú b́ó abi álu cho né Es̄wá ẃó, nchẃó lé máнку b́ó abi ápyéé ubeé.”

*Nkwé manlya menyéé kpékpé
(Mat 9:14-17; Luk 5:33-39)*

¹⁸ Bii f́ baá utó J̄n ménwyaá b́ó manaá Es̄wá ne abi b́ó Farasi, ályá menyéé kpékpé getúgé dep̄aré Es̄wá. Ne b́ó f́ó ágégé mb́ó áchwá gii Jis̄s aké, “Ulannó baá utó J̄n ne abi b́ó Farasi ályage menyéé kpékpé, ne abyéé álá pyε mb́ó?”

¹⁹ Ne Jis̄s ashuú ebẃó meko aké, “Nnó ájeé meńo neba ályage menyéé kpékpé ayi meńo neba alú ne ebẃó? Akáge lyaá f́ó.

²⁰ Yémbə gébé gebéé nye eyíge menə neba álá bée nye sé ne ebwó, éféé ne ályáge nye menyéé kpékpé né mboó gébé gétúge depəré Esəwə.”

Gepə geké gésélé fə gekwene gepə

²¹ Jisəs ama tó makámejəó ayifə aké, “Ne muú akaáge sé fə gebagé ndeé geké akwəmé embu né ndeé eyi gekwéne. Apyége mbə gebagé ndeé eyigembə génywerege nye gépye ndeé yimbə egyalé dəó.

²² Ne muú akpané fə mməó make áfyé né ukwéne unó mməó ebi akwyéé ne mekə menya. Apyége mbə, mməó mimbə mamuale nye mapye unó mməó bímbə úgbó. Mməó ne unó mməó ebimbə uchəge nye detú. Afyé le mməó make né unó uke.”

Nkwé ayi bií uwyaá bəó Jus

(Mat 12:1-8; Luk 6:1-5)

²³ Né bií uwyaá bəó Jus fə, Jisəs ne baá utəó bií ákoóge né mekəó gefəgé nchi fə eyi ákuú nnó wid. Ndeere ebwó ákoóge né mmu mekə wembə, baá utəó bií álə mánkóge gefəgé nchi eyimbə álálege ányéé.

²⁴ Ne bəó Farasi fə ágege mbə, ájəó ne Jisəs aké, “Gé ebé se ékámé fə nnó baá utəó byé ákəó nchi bií uwyaá wó.”

²⁵ Jisəs ashúú ebwó meko aké, “Enyú délú danjəó né mmu ηwe Esəwə dékaá genó eyigé mfwa Devid ápyé nyá gébége mesa ámmye ji ne bəó bií wó?

²⁶ Akpe nyá mmu echa ure Esəwə, abó brəd ayi abó ájelé áchye mbaá Esəwə ányé. Ewe ebe se eké muú yicha anye fə menyéé yi ajéle áchye mbaá Esəwə, ekose ámpye ure Esəwə wó. Yé mbə Devid ábó anyé achye ntó bəó bií.” Mechó ewe epye gébége Abyata alu mfwa ámpyé ure Esəwə.

²⁷ Jisos anmere ajóó ne ebwó aké, “Akwyé fó mekwaá gétúgé bíí uwyaá wó, ákwyé lé bíí uwyaá gétúgé mekwaá.

²⁸ Nkelege mangaré enyú nnó Maá Nte Mekwaá ne alú Ata ayi abóó utó mangaré mekwaá genó yi abo mampye bíí uwyaá bóó Jus.”

3

*Jisos apye mende yi ebwó egboó ji atóó
(Mat 12:9-14; Luk 6:6-11)*

¹ Jisos ama jye né echa mmyemenene ne mende ayi ebwó egboó ji abó alú wye.

² Eféé mbóntó, bóó fó abi ákélege meti mánjóó nnó Jisos apye genó gebo alú wye ápéle ji dome mange nnó apye nye mende yimbó atóó né bíí uwyaá bwó ne ájóó nnó ákwé ebé.*

³ Jisos aké ne mende yimbó, “Kwilé, chwó téné mbe ushu bwó.”

⁴ Agii ebwó aké, “Ebé esé eké depye ndé né bíí uwyaá? Eke dépye galógáló wá gabogabo? Mampye mekwaá apó wá mánlyáá ji agbó?”

Ne yé muú ayi anené meko apó.

⁵ Metóó esóó Jisos dóó ape ebwó agyaá yémbó meshwe akwó ji metóó gétúgé áñeá matóó. Ajóó ne mende yimbó aké, “Nyaá ebwó wye.” Anyágé ebwó wuú etóó.

⁶ Ténéténé yimbó bóó Farasi átáné dafye ájye báne ekwó Heróó, ásó mala nnó apye Jisos áwá.

Gejamé gé bóó ákwólege Jisos

* **3:2** Elú wáwálé nnó: Mabe bóó Jus áleré nnó mampye muú átoó élé utó gétúgé eyigémbó, ákamege fó muú apye muú átoó né bíí uwyaá ekosé mbógé muú nemeé yimbó ala meti negbo.

⁷ Jisəs ne baá utóó bií ályaá áfé ne mbále gentoge mewaá Galilií, né gejamégé bós ákwólége ji abi átáné gebage mewaá Galilií, Judiya,

⁸ Jerosale, Idumiya, abi átáné εgbé εβεé Jodan, ne gebagé mewaá eyi gelu kwókwólé ne Tiya ne Sidon. Bós bina áko ábó áchwó εφεé gétúgé áwú unó bi Jisəs ápyéé.

⁹ Jisəs agaré baá utóó bií nnó ákwyε εκπεé ji akpe mmu, néndé bós ája dós ekagé áηméré ji mme.

¹⁰ Ne gétúgé ji apyε gejamégé bós atoo, bós mameé ako ámmyε mánychwó ji mmyε nnó áta ji.

¹¹ Yéndégébé bós bi áwya aló nchyε ágegé Jisəs, aló nchyε bimbo ápyε εbwó akwéne mme mbe ushu wuú ákálege áké, “Wó olu Maá Esowó.”

¹² Yémbó Jisəs anyáne abi nnó ékágé ájyε ágaré bós ákaá gefoge muú yi ji alu.

*Jisəs ajya áηgbá bií áfyáneápea
(Mat 10:1-4; Luk 6:12-16)*

¹³ Ewyagé Jisəs afé mfaá mekwé, akuú bós bí ji akεlege nnó ákwóle ji, áchwógé,

¹⁴ ajya bós áfyáneápeá nnó ábé ne ji, achyε εbwó mabo nnó áηgbá. Agare εbwó aké, “Ntóme nyε enyú dafyε nnó déjyé degarége mekomejós Esowó melóméló,

¹⁵ ne uto bií déférége aló nchyε bi áchyεge bós εfwyale mmyε.”

¹⁶ Ge mabó bós abi ji ajoyá na, Simun ayi Jisəs achyε ji mabó amifó nnó Pita,

¹⁷ Jεmsi ne menme wuú Jon baá Sebēdee, Jisəs achyε bwó mabó nnó Banagis, ula útené nnó baá nénfée.

18 Andru, Filip, Batolomyo, Matyo, Tōmasi, Jemsi maá Alfōs, Tadyōs ne Simun ayi alu muú ekwō bōó Kanenia, †

19 ne Judas Iscarot ayi meso gébé achyé Jisōs mankwaá.

*Jisōs apó ula uma ne Belsebōb mfwa aló nchye
(Mat 12:22-30; Luk 11:14-23)*

20 Ndere bō Jisōs akérégé mmu, gejamégé bōó ama chwō eféé ája kpaá ápye ji ne ákwólé bíi gébé gepó eyi ebwō ákáge nyéé yé menyéé.

21 Bōó ula gepú Jisōs áwuúge ndere bōó ájōge nnó Jisōs alé meé gebwō áfé manjye se ji.

22 Ne ánléré mabé Esōwō fō abi átané Jerosale ábō ájōóge áké, “Jisōs awya melo nchye ayi ákuú nnó Belsebōb mfwa aló nchye. Ji ne achyége Jisōs utó nnó ábúge aló nchye.” ‡

23 Jisōs awúgembō, akúu bōó bimbō nnó áchwō, áchwōge alo mántó ebwō makámejóó aké, “Danchōmeló ákáge bú mbō gеме jíi nnó?”

24 Mbōgé melo ekarégé eké emyé ne ate, melo ewémbō eténégé.

25 Mbōgé ula gepú ukarégé, uké umye ne ate utyage.

26 Ne mbōgé danchōmeló aké amye ne bōó bíi, ebyennó ewú ebye.

27 “Muú ákaágé kpe fō gepúgé meto muú ájó genó mbōgé alá bōmbе áwé ji wō. Ekosé nnó abōgé mbe awεge ji ne ákaáge kpe ajó yéndégenó.

† 3:18 Elú wáwálé nnó: Ekwō bōó Kanenia ula utene nnó ekwō bōó ukoge. ‡ 3:22 Elú wáwálé nnó: Belsebōb ne danchōmeló élé muú awu ama.

28 “Ne enyú kaáge wáwálé nnó Esòwò ajigente gabo yi muú apye ne mejóó mebomebo ewé étánege ji meno.

29 Yémbò ájígé fò nte muú ayi ájógé mejóó mebomebo ne Mendoó Ukpea, gabo yimbò alaá ji mmye te kwyakwya.”

30 (Jisòs ajómbò gétúgé bòó ábó ájógé nnó, “Ji awyaá meló nchye.”)

Mmá Jisòs ne àḡmo bìí

(Mat 12:46-50; Luk 8:19-21)

31 Mmá Jisòs ne aḡmó bìí áchwó téne dafye, átó muú nnó akúu ji.

32 Ne gejamé gé bòó bí ájwólé ánóó Jisòs mme, ágaré ji áke, “Mmá wye ne aḡmó byeé alú dafye ákélege wò.”

33 Jisòs ashúú ebwó meko aké, “Gòge me ngaré enyú ntó muú ayi alú mmá wa ne àḡmó ba”.

34 Abwólé ape bòó bí ájwólé ánóó ji mme aké, Gége mmá wa ne aḡmó ba na.

35 Yéndémuú ayi awuú ne ápyé genó eyígé Esòwò ákélege, ji ne alú meḡmó wa ne mmá wa.

4

Nekanémejóó Mentyáá mbwe

(Mat 13:1-9; Luk 8:4-8)

1 Gébé gefó Jisòs afe né mbale géntoógé mewaá Galilií, alò mánlere mekomejòó Esòwò ewu. Gejamé gé bòó ákwólé ji áfé ewu. Ji ágégé nnó bòó bimbo ájá dóó, aje kpe ajwólé mmu ékpée ewé élú mbále mewaá. Bòó bimbo álaá né mbale gentóo mewaá.

² Alerege ebwó gejamégé unó né makámejóó. Ndere ábó alerege aké,

³ “Wuué! Bií uma mempye makóó fɔ afé manjye tya mbwé né mekóó wuú.

⁴ Ndere átyaá ájyéé, ámé mbwé áyifó ákwé né maá meti ayi bɔ́ akoge wye, denywɔ́né dégégé déchwɔ́ chwé dényé.

⁵ Amé áyifó ákwé né mfaá mme etárávé mbaá ayi mme álá jaá wye wó. Ebelé yéé wó áchií. Ne élé mme álá jaá wye wó.

⁶ Nméé étyégé, edo mbwé yimbɔ́, ne elé maka álá kpe mme chánchá wó, adé agbó.

⁷ Amé ayifó ákwé né mme ayi genkpé ntó géchíge wye, áchígé, genkpé eyigémbɔ́ géwé gekweré mbwé yimbɔ́, meshíí ejo agbó, mbwé yimbɔ́ áfyé ulɔ́ wó.

⁸ Yémbɔ́ ámé ayifó ákwé né mme melóméló, awégé áfyé ulɔ́, ayifó áfyé ulɔ́ esaá mesó efya, ayifó áfyé usaá uléε ne ayifó usaá uta apwɔ́ nkane ábó átyá.”

⁹ Jisɔ́s ánérégέ manto nekanemejóó eníne na aké, “Muú yi áwyaá matu mawú, áwú.”

Ula bi Jisɔ́s atóme makámejóó

(Mat 13:10-17; Luk 8:9, 10)

¹⁰ Ewyágé Jisɔ́s alyaá gejamégé bɔ́ó bimbɔ́ ala mmyemmye jíí, ángba bií áfyáneápea ne bɔ́ó bifó abi álu kwókwóle ne ji ágú ji ula bi ji atome makamejóó.

¹¹ Aké ne ebwó, “Élé enyú ne Eɔ́wɔ́ apyé nnó dékaá gbɔ́gɔ́nɔ́ unó bi úlú nya bibí né gefwa jíí, ne abi álá pó né gelua genyú, ntome lé ebwó makamejóó,

12 nnó,
 ‘Apele wyé pele yémbò ágegé fò;
 ne awuúge lé wúu,
 yémbò ákágé fò ula;
 Nnó ekágé ákére meso mbaá Esòwò ajige nte gabo
 bwó.’ ”

*Jisòs agare baá utò bíi ula nekanémejòó mentya
 mbwé*

(Mak 4:13-20; Luk 8:11-15)

13 Ne Jisòs aké ne ebwó, “Enyú delá ká mbò ula nekanémejòó eni na wó, depyembò nnó ne dekaá ayifò?”

14 Mbwé ayi mempyé mekòó atyá mbò, élé mekomejòó Esòwò.

15 Gejamégé bòó bifò álu eké mbwé ayi ákwené meti, ebwó áwúgé mekomejòó Esòwò, ténéténé danchòmeló achwó aféré mekomejòó yimbò né mmu matòó bwó.

16 Bòó ábifò álu eké mbwé ayi ákwené né mfaá mme etáráné, áwúgé mekomejòó Esòwò ténéténé yimbò, áse ji ne nechóchó.

17 Yémbò mekomejòó Esòwò ájwòle ebwó né mmu metòó wó néndé álu eke genòó eyi gelá gepó ne maka né mme. Ne ábògé efwyale mangé ndere bòó ápaá ebwó gétúgé mekomejòó yimbò, ténéténé ájá mmyé meso.

18 “Bòó abifò álu eké mbwé ayi ákwené né mme genkpé meshíí ejomé. Ebwó bina álu eké bòó abi áwúgé mekomejòó Esòwò,

19 yémbò élé ebwó áwyá mmwólé né unó mme, ábòó gejeé ne ñka ne ufòó unó uko bí ebwó ákélege, unó bina ujo mekomejòó yimbò upyéé ebwó áwò umpome ulóúló wó.

20 Yémbə bə́ abifə álú eké mme melóméló, ebwó áwúgέ mekomejə́ Əsəwə áse ji áfyε mmu genwáge bwó, áwəme umpome ulóúló, abifə áfyε ulə esaá meso áfya, abifə usaá ulə ulεé, ne abifə ntó usaá ulə uta epwó nkane abó ápené.”

Muú abii fə mekomejə́ Əsəwə mbaad bə́

21 Jisəs ama jə́ ne ebwó aké, “Muú akágé lwε fə étúlénká abə gesá ákweré yé mambelé éwú né nteé ukwó. Anma ewú mfaá.

22 Yé genó eyi gebεé biíbí bə́ alá kágé nyε gépó. Ne genó fə gépó eyigé ákwérége geji bə́ alá kágé.

23 Mbə́ge muú awya matu, awú.”

24 Ajə́ ntó ne ebwó aké, “Sége gébé nkane enyú déwú depə. Gefó eyigé démege genó déchyége muú, mbə́ntó ne ámege nyε áchyéé enyú. Ne achyége nyε ntó enyú eyi géjame gepwó.

25 Muú ayi awya genó, ji ne ágbége nyé ji ebwə, ne muú ayi alá pə, yé ékéké ewé ji awya, áséle nyε eta wuú.”

Nekanémejə́ mbwé yi awéne

26 Jisəs ama jə́ aké, “Gefwage Əsəwə gélu nkane mbwé ayi mempyé makó ápene.

27 Alyaá afé apyε unó bií ebicha agéne ndere mbwé wuú awéne, ne yé genó eyi gepyε mbwé wuú awéne akágé.

28 Elé mme ne apyε nnó amé mbwé áchií, áwé ákwóné áfyé ulə.

29 Ne gébé eyigé mbwé yimbə ágélégé me mempyε makó achwó alə mansəré ne esaá nende gébé gekwəné.”

*Nekanémejós mbwé ayi ákuú ji Mōsta
(Mat 13:31-32; Luk 13:18, 19)*

³⁰ Ne Jisōs ama agií ntó aké, “Ese deǵoge nnó gefwage Εσωω gélú nkane nde? Mmége nyé geji ne ndé nekanémejós?”

³¹ Gélú nkane mbeé mbwé ayí ákuú mōsta, ápege alu ηénéηéné eke nyiné mbwé ngbon.

³² Εβέλεγé ndere ápéne néchií, nēwé, nébwólé gekpékpégé genós eyi gepwós unós uko, gefye mata ayí denwyóné débígé ημεέ, déténege anyua bwó wyé.”

*Ula bi Jisōs álerege né makámejós
(Mat 13:34-35)*

³³ Jisōs agaré bós mekomejós Εσωω né gejámégé makámejós aleré ebwó né gefo eyige ebwó ákage káa ula.

³⁴ Ajógé fó ne ebwó ayi alá tómé makámejós, yémbō gébégé abégé ji mbi ne baá utós bií ágarege ebwó úla yéndé mechó.

*Jisōs anyá mbyonnyi atené
(Mat 8:23-27; Luk 8:22-25)*

³⁵ Ne nkwale Jisōs ajós ne baá utós bií aké, “Déchyaá gentógé mewaá deǵyé egbé né.”

³⁶ Ne ebwó álya gejamégé bós efeé, ne Jisōs ajye jwale mé mmu ékpe, ne baá utós bií achwó kpé. Εbwó álō mánchya ne mákpée ayifo ákwolege.

³⁷ Ndere ájye, mbyonnyi metometo áchwó bule nnyi ne ngba nnyi apye nnyi nébúlege, apye ékpe enyige ne uto ne manaá malō mankpéne né ékpe, éla mankemanke.

³⁸ Jisōs abó alú né meso ékpe, anéré mekpo né genósge mekpo, abelege. Ne baá utós bií ájye pe ji

ájoge áké, “Ménleré ðbɔ gébé nnó ese dechwó gbó wó?”

³⁹ Ne Jisɔs akwilé ka, anyá mbyo nnyi yimbɔ ajóó aké, “Mgbannyi tɛné nyámeé.” Mbyo nnyi yimbɔ átené, mbaá akwené tɔmeé.

⁴⁰ Ewyage Jisɔs agií ebwó aké, “Défóó ndé? Défyéé fɔ mató ne Esɔwɔ wó?”

⁴¹ Ala mano mekpo fuú áwére ne efɔ metóó ágíge ate áké, “Ndé gefógé muú na? Yé mbyo nnyi ne mgbannyi áwuú ji?”

5

*Jisɔs abú aló nchye átané mende fɔ mmye
(Mat 8:28-34; Luk 8:26-39)*

¹ Jisɔs ne baá utóó bií áchyangé gentoógé mewaá Galilí, ákwɔné mbale nnyi kwókwólé né gebagé mewaá Garesene.

² Nðere Jisɔs átané né ékpe ashule né mbale nnyi, mende fɔ yi awya meló nchye atané né manome ayi áchomé né etárávé abó gatelé áchwó báne ji,

³ ji ajwɔlege le né manome. Yé muú yi akáge wé se ji ne bɔ mkpokove apó,

⁴ Nðɔ ndɔ ne ndɔ ábó áwéle mé ji uka ne amu yémbɔ asɔrege bɔ ñkpɔkove ne use bi úlú ji uka agbe. Mende yina atóó kpaá apwó ayi muú alá kágé ba ji mme awɛ.

⁵ Utuú ne nwɔmésé mende yimbɔ akene tametame né manome ne mfaá makwɛ, akalege ne asɔrege menyammye wuú ne mataá awuú ubale.

⁶ Aké agene Jisɔs tete, abó gatelé, ajoye tó manó né mbe ushu Jisɔs.

⁷ Apyegé mbɔ, alile akalege kénké aké, “E é Jisɔs, Maá Esɔwɔ Anyata! Ɔbó ndé mechó ne me? Kélé mabɔ Esɔwɔ nnó ɔchyege fɔ me efwyale.”

⁸ Ajɔgembɔ elé Jisɔs abó anyane ji nnó, “Wɔ meló nchye táné mende yina mmye.”

⁹ Ewyagé Jisɔs agíí ji aké, “Mabɔ mye makamege nnó?” Mende yimbɔ ashúú ji meko aké, “Nkamege ‘Gejamé’, néndé ese delú gejamé.”

¹⁰ Ne aló nchye ane Jisɔs mmye nnó ekágé ábú ebwɔ átané né gebagé mewaá eyigémbɔ.

¹¹ Wyε efεé, nfɔné mekwende fɔ nébó nényεé kwókwólé né mbyɔ Mékwε.

¹² Aló nchye bimbɔ áne Jisɔs mmye nnó álya ebwɔ ájyé kpe mekwende eyimbɔ mmye.

¹³ Jisɔs akamé. Aló nchye bimbɔ átané ájye kpe nfɔné mekwende eníné mbɔ né mmye. Akpεgé mbɔ, nébó néshulé Mékwε, nékwé mmu gentoóge mewaá néke. Nfɔné mekwende eniné mbɔ nelú genógé bɔ delé ápea.

¹⁴ Ambamé mekwende yimbɔ ágégé, ábó afé né meló mangaré genó eyi gepyεé, abifɔ afé né makóó ágarege abya yimbɔ. Ne bɔó átané nnó áchwó áge mechɔ ewé epyεé.

¹⁵ Ne ebwɔ ákwónégé mbaá ayi Jisɔs alu, ágé ntó mende ayi abɔ awya gejamégé aló nchye ndere ajwólé efεé ne mandeé jíí mmye, akéré menyammye wuú. Ebwɔ ágégé mbɔ efɔ ekwɔ ebwɔ matóó.

¹⁶ Bɔó bí abɔ ágené genó eyígé pyé álɔ mangaré mechɔ ewé epye ne mende yi abó awya aló nchye, ágarege ntó mechɔ ewé epye ne mekwende.

¹⁷ Ne ebwɔ álɔ máne Jisɔs mmye nnó ályaá gebagé bwɔ ájye.

18 Ndere Jisṓs ábó akpéne mmu ekpée, mende yi abó awya aló nchye ane Jisṓs mmye nnó agṓ ji akwólé ji.

19 Yémbṓ Jisṓs akamé wó. Agare le ji aké, “Kere meso mbaá bṓs bye ne agare ntó ebwó nkane Esṓwṓ agené wṓ meshwe, apó wṓ ne unó uko bi ápyéé eta wyé.”

20 Mende yimbṓ afé né gebagé mewaá eyigé ákuú geji nnó Dekapolis, mme malṓ ufya, alṓ mankené ne agarege galógálṓ ayi Jisṓs ápyéé eta wuú. Mechṓ ewena épye yéndémuú ayi awuú ala meno mekpó fuú.

*Maá Jarṓs ne mendée ayi atad nku Jisṓs
(Mat 9:18-26; Luk 8:40-56)*

21 Bṓ Jisṓs ama kpe ékpe áchyá ákéré egbé gentógé mewaá Galilíí. Ne ndere atené mapeá nnyi, njuné bṓs néchwó nó ji mme.

22 Ne Jarṓs muú kpaá né echa mmyemenene ewe elu efeé abó alu nto geluage bṓs bimbṓ. Gébégé agené Jisṓs, ajye tó manó mbe ushu wuú.

23 Alṓ manené Jisṓs mmye ne metṓ wuú meko nnó apó ji. Aké, “Maá wa ayi kṓs mendée améé ne achwó gbó. Ata, chwó nere ji ebwṓ mmye, apege nye.”

24 Jisṓs alya, alṓ manjye ne Jarṓs. Ne njuné bṓs nekwṓlege ji, egbe we ne ewe áhmerge ate mme.

25 Né geluage bṓs bimbṓ mendée fṓ abó alu ayi manoó mátánege ji mbe, málé aṣmé áfyáneapéá.

26 Mendée yina agé me efwyale dṓs, achṓ ṣka mbaá bṓ maka kpaá yeé galógálṓ apó. Yémbṓ ébṓ wye bṓs.

27 Mendée yimbə abə áwuú ngo Jisəs akε né mpu ekwó bəs ewémbə, achwó ji né meso, anyaa ebwə, atá nku wuu.

28 Ajəge ne geme jií aké, “Mbəgé ntagé yé lé mandée jií, ntoge nyε.”

29 Atagé mbə, ténéténé manoó mansó. Ne awuú menyammyε wuu nnó atoó.

30 Wyε né gébé eyigémbə Jisəs awuú nnó uto útané ji mmyε, ábwələ mmyε ne njuné bəs aké, “Waaá ataa mandeé ya”?

31 Baá utós bií aké ne ji, “Ge nkane gejámégé bəs ánəs wə mme, epyémbə nnó ne əgige nnó waaá ataa wə?”

32 Yé lé ebwó ajəmbə, Jisəs ashii wyε mampεle agyage, agige muú yi abə ataa ji.

33 Mendée yimbə ákaáge genó eyigé gepyεé né menyammyε wuu, atané metós metós bəs bimbə awere ne efə metós achwó kwé mbε ushu Jisəs. Apyεge mbə, agare ji abya wuu meko.

34 Ne Jisəs aké ne ji, “Maá wa, otó getúgé əfyεé metós wyε ne me. Ɔmágé wú sé ubale. Ke pere.”

35 Nɔere Jisəs abə alú jəge ne mendée yimbə, bəs dentós átané né gepúgé Jarəs áchwó gáre Jarəs aké, “Maá wyε agbó mé, əchyεgé sé ménleré efwyale detú.”

36 Ne Jisəs afyεé mekpo né depə etiré ajəgé wó, yémbə aké ne Jarəs, “Ɔfəgé, fyé lé metós ne me.”

37 Akamé f́ nnó muú yicha akwələ ji wó ékosé Pita ne Jεmsi ne menmó wuu Jən.

38 Akégé ákwónégé gepúge Jarəs, Jisəs agε nkane bəs ákwené tametame áyiáge, ádorege mmyε mme álile kenke.

39 Jisós akpé mmu aké ne εbwós, “Ndé enyú déyiáge délile? Maá mesó mendée yina agbo wó, abelege lé géjyá.”

40 Awúgé mbó áló manjwáné ji jwané, efeé ne alé bú εbwó ako átané dafye, asé le mma ne nte maá yimbó ne baá utóó bíí aléé, ájyé kpe mbaá ayi ábelé maá yimbó.

41 Ne Jisós agbare ji εbwó ajóó né meko aramaic aké, “Tabita kumi. Ula utené nnó, mesó mendée njoge ne wó nnó kwilé ka.”

42 Maá yimbó akwilé, ténéténé aló mankené. Mesó mendée yimbó alu aḡmé áfyanéápeá. Bóó bi ágene mechó ewé, mano áwule εbwó mmu ukokó.

43 Jisós aji εbwó matu nnó ekagé ágaré muú yicha mechó ewe. Anérégé aké ne εbwó, “Chyege maá yimbó menyéé anyéé.”

6

Bóó Násaret ábya Jisós (Mat 13:53-58; Luk 4:16-30)

1 Jisós alyaaá melu ewémbó, akéré né meló wuú ne baá utóó bíí.

2 Ne bíí uwyaá bóó Jus ukwónégé, afé mmu εcha mmyemenene, aló manleré bóó deporé Esowó. Gejamégé bóó bi áwuú unó bi alerégé ála mano mekpo fuú ne áké, “Ewéna elúmbó nno? Nde mbaá, atané ne unó uko? Ndé muú áchyéé ji gefóógé denjá ti ne utó nnó apyegé ufelekpa?”

3 Pó memwómé upú ayi alu maá Meri na? Pó aḡmó bíí álú Jemsi, ne Jose, Judas ne Simun? Pó aḡmó bíí abi andée álú fa ne esé.” Epye bwó áfyéé matóó ne Jisós wó ne ábya ji.

⁴ Ne Jisós ajóó ne ebwó aké, “Anoge bós ekpávé Esowá yéndé mbaá. Yémbó wyélé bós meló bwó ne ula gepú bwó ne áhme bwó ne alá nógé ebwó”

⁵ Ewena epye ji abó fó gébé mampye ufélékpa eféé wó, ekosé ukéke bós mamée abi ji anéré ebwó amu mmye atóó.

⁶ Ji ala meno mekpo fuú ndere agene nnó bós bina áfyéé fó metóó ne ji wó.

*Jisós ató áhgbá áfyáneapeá nnó ápye utóó bíi
(Mat 10:5-15; Luk 9:1-6)*

Ne Jisós atánégé meló wuú, afé né mata maló ayifó, alerege bós mekomejóó Esowá.

⁷ Akuú áhgbá bíi áfyáneapeá ako, áchwógé ató ebwó dafye apea apea. Achyé ebwó uto mamférégé aló nchye né mmye bós.

⁸ Ndere ebwó achwó jyé, Jisós aké ne ebwó, “Ekagé débó yéé genó, bógé le meto ewu ewu, dékpagé fó menyéé, yé gébagé neke, yé ñka,

⁹ yé gekwarégé ndeé, yémbó fyége lé unó uka.”

¹⁰ Ama jóó ne ebwó aké, “Dekwónégé yénde meló, gepú eyigé dékprégé, ásege enyú ne metóó megomégó bége wye eféé kpaá te délyáge.

¹¹ Mbáge meló elá séé enyú wó, yé manwu mekomejóó nyú wó, lyáge déjyé detene né metóó meló, dekwe uka mme nnó mpupu eyi ebalé enyú uka étáné, ne elerege nyé nnó ákwele ebwó mbeé.”

¹² Ne baá utóó bíi atáné áfé, áló mangáregé bós mekomejóó Esowá.

¹³ Ebwó áfere gejamégé aló nchye né mmye bó, áma ápye bós mameé atóó ndere ágbele ebwó maweé mmye.

*Negbo né Jɔn Menwyaá bɔ́ɔ manaá Ɛsɔwɔ
(Mat 14:1-2; Luk 9:7-9)*

14 Mfwa Herɔd Antipas ayi awáne baá gebégé ábyéné Jisɔs awú ngo ukpékpé depɔ tiré Jisɔs apyé deko. Nendé yénde mbaá bɔ́ɔ ágaré abya wuú. Bɔ́ɔ bifɔ ájɔge áke, “Jɔn menwyaá bɔ́ɔ manaá Ɛsɔwɔ ne akwilé né negbo nkaáwu ne awya utó mampye ufélekpa.”

15 Yémbɔ abifɔ áké, “Jisɔs alu mewené Elija muú ekpávé Ɛsɔwɔ.” Abifɔ áké, “Jisɔs alu gekwénége muú ekpávé Ɛsɔwɔ.”

16 Ne Herɔd awúge ngo Jisɔs aké, “Ndɔfɔ élé Jɔn menwyaá bɔ́ɔ manaá Ɛsɔwɔ ayi mbɔ nsɔ́ɔ ji mekpo ne ákwilé né negbo achwɔ́ɔ.”

17 Ɛpyembɔ Herɔd atɔ bɔ́ɔ nnó ágbáré Jɔn áwé áfyé né mmu gepúgé denɔ, gétúgé agaré gabo ayi Herɔd apyé nnó aferé Herɔdyas mendée menmo wuú Filip abá.

18 Jɔn abɔ ajóge ne Herɔd nnó, “Ɛlɔme fɔ manfere mendée menmó wye ɔ́bá.”

19 Né gétú eyigémbɔ Herɔdyas abɔ apaá Jɔn ne akelé meti manwá ji yémbɔ ágé meti wɔ́.

20 Herɔd abɔ ánóge Jɔn ne ákelégé fɔ́ nnó awá ji. Akaá nnó Jɔn alu muú melómélɔ́ ne alu cho né mbe ushu Ɛsɔwɔ. Yélé unó bi Jɔn ajóge úlú tametame né metɔ́ɔ wuú, yémbɔ metɔ́ɔ égwɔ́ ji manwúge Jɔn yéndégébé.

21 Bií uma Herɔdyas age meti mawá Jɔn. Gébége Herɔd apye epaá bií ebi ábyéné ji, akú ákpakpa melɔ́ ne afwa bɔ́ɔ bee né gebage mewaá Galilíí.

22 Ne maá Herɔdyas mesɔ́ mendée achwɔ́ bee gefógé mabeé eyigé gégwɔ́ Herɔd ne ankéé bií matɔ́ɔ,

εφέε ne Herod aké ne ji, “Gare me yénde genó eyige okeloge, nchye wá.”

²³ Nkelé nnó, “Nchyege wá yénde genó eyigé okeloge, ye ebe le gebagé melo wá.”

²⁴ Maá yimbó atané ajye gií mma wuú aké, “Mma, ngaré mfwa nnó nkeloge nde”?

Mma aké, “Mekpo Jon menwyaá bós manaá Esowá.”

²⁵ Maá yimbó abó akéré, agaré Herod aké, “Nkeloge nnó ochye me mekpo Jon menwyaá bós manaá Esowá fa né gebagé nkpagene nana.”

²⁶ Mechó ewé epye mfwa Herod byó ukaré ji mmu yémbó akágé shya manchye ji gétúgé abó akele me né mbe ushu ankéé bií.

²⁷ Ténéténé yimbó, Herod ató membame wuú ayi ama nnó, ájye ásó mekpo Jon né gepúgé denó. Ne ájye só áchwó ne ewu.

²⁸ Mende yimbó anérégé, abó mekpo ewu afyé né gebagé nkpagene ajyé chye maá yimbó mendée, ne maá yimbó ajye chye mbaá mma wuú.

²⁹ Ne baá utóó Jon áwúge nnó áwá nte bwó, ájye kpá genkwó jií, aníí né menome ewe áchomé né etárávé.

Jisós achyéé délé bós áta menyéé

(Mat 14:13-21; Luk 9:10-17; Jon 6:1-14)

³⁰ Angbá Jisós akéré meso né neke eniné ji abó atome ebwó. Agaré Jisós ufóó unó bí ebwó ápyé ne áléré.

³¹ Ewyágé bós áchwóó mbaá Jisós, abi áchwóó, ne abi ájye, ájá kpaá ápye Jisós ne baá utóó bií ápó yé ne gébé manyéé menyéé. Eféé ne Jisós aké ne baá utóó bií, “Déjyé né melú ewé bós álá pó, nnó enyú degbeé mmye gachyé.”

³² Εφεέ άjγε κρε mmu έκpée εbωό εbωό, άlο manjγε né mbaá ayi álú bómbo.

³³ Yέmbο gejamégé bοό άgέ εbωό ndere átané άjγε ákaá Jisəs ne bοό bí ne melu εwé εbωό άjγε. Ne εbωό átané malómaló, ásó mewaá mewaá, άbó mbe ne Jisəs ne baá utóó bíí.

³⁴ Jisəs átanégé mmu εκpée, agé gejamégé bοό, ne meshwe akwó ji metóó, gétúgέ álu εκέ magəηme ayi álá pó ne membámé. Εφεέ alo manleré εbωό gejamégé unó.

³⁵ Ndere bíí ulo mangíle baá utóó Jisəs άjγε jóó ne ji áké, “Atá bíí úfé ne mbaá yina alu eke mashwəne.

³⁶ Gó bοό bina άjγε nnó εbωό ákáge jyε ne makóó né baá malo ayi álú kwókwólé, áná menyéé ányéé.”

³⁷ Ne Jisəs ashuú εbωό meko aké, “Enyú ambóó chyége εbωό genó ányéé.”

Ne εbωó aké, “Atá okáá fó nnó ηka yi ese dénáme bοό bina menyéé ékáge be genóge uba ηka upea wó?” *

³⁸ Jisəs aké, “Enyú dewya ntó bred eníí? Choge depé.” Ajγε gέ, ne áké, “Ese dewya ntó bred eta ne meshuú epea.”

³⁹ Ne Jisəs agare εbωό nnó ákaré bοό bimbo matoómatoó, άjwólé né dambyanja.

⁴⁰ Apyε εbωό άjwólé, mbaá ayifo álu usaá bοό uta ne ayifo alu usaá bοό upea meso efa.

⁴¹ Ajwólégé Jisəs άbó ntóο bred étáa ne meshuú épeá, ape ame mfaánebuú, achyé matame mbaá Esowə. Agya bred achyé mbaá baá utóó bíí nnó ákaré mbaá bοό bimbo. Ne ákaré ntó meshuú epea mbaá εbωό ako.

* **6:37** Elú wáwálé nnó: Denari alu ηka yi apege muú né utóó bíí uma.

42 Yéndemuú ányé ágbeé.

43 Ne baá utó Jisós ányweré bred ne meshuú ágbeé usá úfyáneupeá ebi ányéé ulaá.

44 Bóó bi ányé menyéé álú delé bóó átáa.

Jisós ake mfaá mekó manáá
(Mat 14:22-23; Jón 6:15-21)

45 Ewyágé Jisós apye baá utó bíí ákpe ékpée nnó ábó mbe áchyá gentóógé mewaá ájyé né melo Betsada. Ji ala meso agare bóó nnó ebwó ákééré né upú bwó.

46 Ajógé mé né bóó nnó áke chánéné, afe né mfaá Mekwe manemmye.

47 Nkwále akwónégé, ekpée elú né metóó gentóógé mewaá Galilií, ele Jisós mbií ne álaá né mapeá nnyi.

48 Jisós agé nnó baá utó bíí ágéne efwyale ndere mbyo nnyi atané ebwó mbe ushú ápélege ékpée bwó. Elo né gejjégébí kpaá te dondo, Jisós ákééné mfaá mekó manaá achwó eta bwó, ela gachye ake apyáme ebwó akoó.

49 Ebwó áké ágéne nkane Jisós akéne mfaá mekó manaá achwó, áferé nnó ele muú nefeó ne ala mánkalégé.

50 Ebwó ako ágégé ji efóó ekwó ebwó matóó.

Yémbó áké ne ebwó tenetene yimbó, “Élé me, gbarege matóó nyú, défoge.”

51 Jisós akpege né mmu ekpée ne ebwó, mbyo yimbó apwá. Agege mbó ala mano mekpo fuú.

52 Yele Jisós abó achye dele bóó atá bred ányéé, akaá fó gefoge muú eyige ji alu wó; néndé ajea matóó.

Jisos apye bɔɔ mameé atóó né Genesáret
(*Mat 14:34-36*)

⁵³ Jisos ne baá utɔɔ bií áchyage gentóogé mewaá, áchwó kwóne né melo Genesáret, né gentó eyigémbɔ ne ebwó áshií ékpée efée.

⁵⁴ Ténéténé yi ebwó átané mmu ékpée, bɔɔ ákaá nnó gé Jisos na.

⁵⁵ Alomé gatelé, áfe melo meko ne baá mata malɔ, áfe ákpane bɔɔ mameé bwó áchwó ne ebwó, ne yénde mbaá ayi áwuúge nnó Jisos alú wye.

⁵⁶ Ne yénde mbaá ayi Jisos ákwóné, yé né malɔ ayi kókó ye ayi kpákpá ne ye né makɔ́ ákpané bɔɔ mameé ánywérege malú malú yé né ntoné gese, ne ánené Jisos mmye nnó alya ebwó atá mano nkú jíí. Ne yéndemuú nemeé ayi ataá mano nkú Jisos atóó.

7

Jisos agarege unó bi ukwene ante bɔɔ Jus áleré
(*Mat 15:1-20*)

¹ Bɔɔ Farasi ne anleré mabé Esɔwɔ fɔ átané Jerosale áchwó nó Jisos mme.

² Ndere ebwó álu efée, ágé nnó baá utɔɔ Jisos abifɔ anyeé menyéé amu debadeba ayi álá shwónége amu ndere gepɔ gebwó gelerége wó.

³ Bɔɔ Farasi ne bɔɔ Jus ako abi ákwólege unó bina dɔɔ, ushuú bɔɔ Farasi cháchá ányeé fɔ menyéé ayi álá bɔmbɛ áshwóné amu bwó ndere gepɔgé ukwene ante bwó gelu wó.

⁴ Yéé muú bwó ayi anyeé genó eyígé ánáme né gese ayi álá shwóné chánéné apó. Ebwó ábelege ntó gejamégé mabe bwó nkane manshwónégé amó, meséé ne mámba.

⁵ Ne Bóó Farasi ne anleré mabé Esowó ágií Jisós áke, “Ulannó ne baá utóó bye alá kwólégé unó bi ukwene ante sé áleré? Ulannó ebwó ányéé menyéé ayi alá shwónégé amu”?

⁶ Jisós ashuí ebwó meko aké, “Enyú bóó dembwólé. Asaya, muú ekpávé Esowó abó alu cho gébégé agaré nyá mekomejóó Esowó atomé ne enyú nnó,

‘Bóó bina ánógé me ne ubómeno
yémbó ánógé fí me né mmu matóó bwó cháchá.

⁷ Enógé ewé ebwó ánoqe me, elú detú
nénde ásele unó ukwene ante bwó álerege eké
mabe ya!’ ”

⁸ Jisós aké ne ebwó, “Enyú dése mabé Esowó, deke debélé egbe ema nnó dénógé unó bi ákwaá álerege.”

⁹ Jisós afe mbe manjóó aké, “Dewyá mati malómaló mánlya mabé Esowó nnó dékwólégé le unó bi ukwene ante nyú álerége.

¹⁰ Gébégé Mosis alerege mabe Esowó, abó ajóó aké, ‘Nógé mma wye ne nte wye’. Ama jóó ntó nnó, ‘Mbógé muú ajógé mejóó mebo ne mma wuú yé elé ne nte wuú, abó manwá ji.’

¹¹ Yémbó né egbé ewé nyú, dela gáre lé nnó, mbógé muú abegé ne genó eyigé ji akage poó mma wuú yéé ebélé nte wuú ne geji, ajóó le nnó, ‘Elé echye Esowó.’

¹² Wyembó ne dégbéé bóó nnó ápoóge fí amamá bwó ne ante bwó.

¹³ Enyú dépye mabé Esowó áfu sé yé genó wó getúgé unó bi enyú délérege. Ge wye gepó gema na me njóó mbó gejamégé gabo alú ayi enyú dépye wye na.”

*Unó bi upye mekwaá alá bée fɔ cho né mbe ushuú
Esɔwɔ
(Mat 15:10-20)*

¹⁴ Ne Jisɔs ama akuú njuné bɔ́o nnó áchwó eta wuú. Achwóge aké, “Enyú ako wuúge, ne yéndémuú ákaá genó eyigé njógé.

¹⁵ Genó eyigé muú ányége gejye ji une gepye fɔ muú ábée debadeba né mbe ushuú Esɔwɔ, élé eyi getanege ji né meno.”

¹⁶ Ne mboge muú awyá matu manwú áwú.

¹⁷ Jisɔs anérégé, ji ne baá utɔ́o bií ályá bɔ́o bimbo, áfé né mmu gepú, ne ebwó ágíi ji ulá nekanemejɔ́o enina.

¹⁸ Jisɔs ashúu ebwó meko aké, “Enyú delú defɔ́o pɔ́o eké ate? Enyú dékaá wáwálé nnó dényegé menyéé ákágé pye fɔ́o enyú debé debadeba.

¹⁹ Menyéé wu ákpéné fɔ́o né matɔ́o nyú, ájye le né une, ne átane né menyammye.” Ndere Jisɔs ajɔ́o mbɔ́o ebyennó ufɔ́o menyéé uko ukwané manyéé.

²⁰ Ne Jisɔs aké, “Uféré ebi utánege muú metɔ́o ne upye muú abée debadeba né mbe ushuú Esɔwɔ.”

²¹ Ama jɔ́o aké, “Uféré uboubo, ubelé tametame, ejo ne manwáné bɔ́o. Unó bina uko utánege né metɔ́o,

²² mankwéné ulɔ́, use, ne nchye, mambwólege bɔ́o, eɲmeɲmené, mansoge metɔ́o nnó bɔ́o ábɔ́o unó ápwɔ́o enyú, manchoge bɔ́o mambɔ́o, nepa ne ukénkéné.

²³ Unó bina uko utanege né metɔ́o ne ubi ne úpyeé muú ábée debadeba né mbe ushuú Esɔwɔ.”

*Mendée ayi áfyéé metɔ́o ne Jisɔs
(Mat 15:21-28)*

24 Ne Jis̄os atané afé né gebagé mewaá b̄ós Jus eyi gelú kwókwlé ne melo Tiya ne Sidon. Jis̄os ajye kpe mmu gepú gefo ne akélégé f̄o nnó muú akaá nnó ji alu eféé, yémb̄o meti epó ewe ji ákáge bií.

25 Mendée f̄o ayi maá wuú yi mendée awya meló nchye, áwuúgé nnó Jis̄os alu eféé, atané ténéténé achwó tó manó né mb̄e ushuú wuú.

26 Mendée yina apó f̄o muú Jus alu muú Grek ne ábó ábyé ji títi né gebagé mewaá Siriya né Sirof̄onishya. An̄e Jis̄os mmye nnó aféré meló nchye yimb̄o né mmye maá wuú.

27 Yémb̄o Jis̄os aké, “Ḡo esé deb̄o mb̄e dechye baá melo menyéé, elómé f̄o nnó muú ase menyéé ayi baá melo ányé achyéé b̄o mammye.” *

28 Ne mendée yimb̄o ashúú ji meko aké, “Ata, yémb̄o b̄o mammye ányéé uch̄och̄ogéré ebi utánege né ekpókpógélé ukwéne mme gébégé ambané áke ányéé menyéé.”

29 Jis̄os aké ne ji, “Elé wáwálé, ch̄o, ogene nȳe ndere meló nchye yimb̄o atané mé maá wȳe mmye.”

30 Gébégé mendée yimb̄o akéré né gepú jíí, agé maá wuú ndere ábelé né ukw̄o ne meló nchye atané mé ji mmye.

Jis̄os apye mbuú atoo

31 Ne Jis̄os atánege melo Tiya akoó né meti Sidon afé né ebéé mega Galilií. Afé né mme Dekapolis, mme mal̄o afya.

* **7:27** Elú wáwálé nnó: Né melo nȳe ewéna b̄ós abi Jis̄os ajógé atome ne ebwó nnó baá melo elé b̄ós Jus ne abi ji atome ne ebwó nnó b̄o mamye elé b̄ós abi álá pó f̄o b̄ós Jus.

³² Bɔ́ fɔ́ áchwɔ́ ne mende ayi alu matu gbégbé ne akágé jɔ́ fɔ́ mejɔ́. Ebwɔ́ áne Jisɔs mmye nnó anéré ji ebwɔ́ mmye.

³³ Jisɔs ase ji né metɔ́ metɔ́ gejamé gé bɔ́, afé né melu ewé elu bibií eféé ne afye denɔ́ré amu né matu mende yimbɔ́, akpɔ́ matye ne ata nenɔ́me níí.

³⁴ Ne Jisɔs ape amɛ mfaánebuú ne ashuúle gefere, ajɔ́ né meko aramaic aké, “Effata” ula úlú nnó, “Néné”.

³⁵ Ténéténé mende yimbɔ́ alɔ́ manwu ne alɔ́ ntó manjɔ́ mejɔ́ ayi álá pɔ́ se ne efwyale.

³⁶ Ne Jisɔs akwelé ebwɔ́ mbeé nnó ékagé ágaré muú. Yémbɔ́ ndere ákwelé ebwɔ́ mbeé dɔ́, mbɔ́ nto ne bɔ́ ágarege abya wuú ájye.

³⁷ Ebwɔ́ ako abɔ́, álá manó mekpɔ́ fuú ájɔ́ge aké, “Yéndé genó eyige ji apyéé gelú gelógeló.” Apye bɔ́ matu gbégbé áwuú ne abi álá jɔ́ge, ájɔ́ge.

8

Jisɔs achyéé délé bɔ́ ani menyéé (Mat 15:32-39)

¹ Ewyage gejamé gé bɔ́ gema chwɔ́ nɔ́ Jisɔs mme. Bɔ́ bina abɔ́ akpá fɔ́ menyéé ayi ányéé wɔ́. Ne Jisɔs akuú baá utɔ́ bií ne aké,

² “Meshwe apyéé me ne bɔ́ bina, néndé ebwɔ́ álé mbɔ́ ndɔ́ eléé ne me ayi álá ányéé ye genó fɔ́ wɔ́.

³ Mbɔ́gé ngarege ebwɔ́ nnó ájyéé unɛ mesa, átɔ́ né meti gétúgé abifɔ́ nekene bwɔ́ néshya.”

⁴ Baá utɔ́ bií ágií ji aké, “Fa né mashwɔ́ne muú agɛne mbɔ́ menyéé efɔ́ ayi ákwanege bɔ́ bina ako?”

⁵ Ne Jisɔs agií ebwɔ́ aké, “Enyú dewyaá ntoó brɛd eníí eféé”? Aké, “Dewyaá ntoó brɛd ékénéama.”

⁶ Ewyage Jisṓs agaré bṓó bimbṓ aké, “Jwólege mme”. Ne asé ntoó bred eyimbṓ ékénéama áchyege matame mbaá Eṣṓwṓ, agya, achyéé baá utṓó bií nnó ákáré mbaá bṓó bina, ne ápye wyembṓ.

⁷ Ne ebwṓ ábṓ awya ntó ukεke baá meshuú. Jisṓs ase achyéé matame mbaá Eṣṓwṓ né uno bi, agaré baá utṓó bií nnó ákáré mbaá bṓó.

⁸ Yéndemuú ányéé ágbeé ne baá utṓó Jisṓs ánywéré uba bi ulaá ugbeé usá ukeneama.

⁹ Mpa bṓó bi ányé alú delé bṓó anií. Anérégé Jisṓs aké ákere meso né upú bwṓ.

¹⁰ Ténéténé yimbṓ Jisṓs ne baá utṓó bií ákpe mmu ékpée áchyaá áfé né gebagé mewaá eyigé akuú nnó Dalmanuta.

Ekwṓ bṓó Farasi ne Sadusi ágii Jisṓs nnó dléré ebwṓ ufélekpa

(Mat 16:1-4; Luk 12:54-56)

¹¹ Bṓó Farasi fṓ ábṓ áfé mbaá Jisṓs álṓ manyé mbeé ne ji. Ebwṓ abṓ akεle meti mamua ji. Agii ji áké, “Pyε ufélekpa ese dégé, manlere nnó Eṣṓwṓ ne atóme wṓ.”

¹² Jisṓs awuúgémṓ, ashulé gefere ne agii ebwṓ aké, “Ulannó njye enina fi nekεlege ufélekpa? Ngarege enyú wáwálé nnó yé úma degené fṓ.”

¹³ Ajṓgé mbṓ alya ebwṓ, áma jyε kpe mmu ekpeé, achya áfé egbe gentógé mewaá.

Jisṓs akwelé baá utṓó bií mbeé nnó áse gébé ne yis bṓó Farasi ne bṓó Sadusi

(Mat 16:5-12)

¹⁴ Baá utṓó Jisṓs ábṓ ájinte mankpa gejamégé bred ne ábṓ áwya le maá ntó bred ama né ekpeé.

15 Jisɔs akwelé ebwɔ mbeé aké, “Sege gébé ne yis bɔɔ Farasi ne mfwa Herɔd.”

16 Ne ebwɔ áɓ manjɔgé ebwɔ ebwɔ áké, “Ndɔfo ajɔgé mbɔ lé délá depɔ yé ne bred?”

17 Jisɔs akaá genó eyigé ebwɔ ajɔgé ne agií aké, “Ulannó enyú dejɔge mechɔ bred ayi enyú dela pɔ ne ji? Nnó enyú delú dankaá ula mechɔ ewé? Matɔɔ nyú álu wyε séséleé? Délú dankaá gefɔge muú ayi me nlu?”

18 Enyú déwyaá amε dégene fɔ mbaá? Enyú déwyaá matu déwuú fɔ? Dékágé fere fɔ depɔ tiré na?

19 Gébégé nkare ntoó bred éta mbaá bɔɔ dele bó átáa ányεé, ayi ábɔ álaá gbeé usa unii?” Ne ebwɔ áshuú ji meko aké, “Usá úfyaneupeá.”

20 Jisɔs ama agií ebwɔ nnó, “Ne gébégé nkaré ntó, ntoó bred yimbɔ ékénéama mbaá bɔ delé bɔɔ ani ányεé, ayi alaá enyú dénywere nyá, álaá usá unii?” Ebwɔ áshuú meko áké, “Usá ukeneama.”

21 Jisɔs agií ebwɔ ake, “Enyú degε nkane nsele baá nto bred nchyεé gejame bɔɔ menyεé wɔ, te fi, delú dankaá gefɔgé muú eyi me nlu?”

Jisɔs apyε muú amε nónómé né Betsaida agéne

22 Gébégé Jisɔs ne baá utɔɔ bií ákwɔne né Betsada, bɔɔ fɔ áse muú amε nónómé áfé ne ji mbaá Jisɔs áne ji mmyε nnó atá ji.

23 Jisɔs agbaré ji ebwɔebwɔ áfé mekpo meti, eféé ne akpɔ ji matyε amε. Anéré ji amu né amε, agií ji aké, “Nnó ɔgene mbɔ genó fɔ?”

24 Mende yimbɔ ape amε mfaá aké, “Ngene bɔɔ yémbɔ álu lé eké unɔɔ ebi ukene ugyage.”

²⁵ Ama ata ji amu né amε nana mende yimbɔ aké apεle amε ji ánené alɔ mángene mbaá, ne agene yénde genó chánéné.

²⁶ Jisɔs agare nnó, “Cho mmu gepú jyε, ekagé ɔkere né melɔ.”

Pita aké Jisɔs alu muú ayi Esɔwɔ akwere ji ela gefwa

(Mat 16:13-16; Luk 9:18-21)

²⁷ Jisɔs ne baá utɔɔ bíí ájyé né baá maló fɔ kwɔkwɔlé ne melɔ Kaisaria Filipi. Nɔere εbwɔ akene ájyε, agíí baá utɔɔ bíí aké, “Nɔé gefógé muú ayi bɔɔ ájɔ́gέ nnó me nlu?”

²⁸ Baá utɔɔ bíí áshuú ji meko aké, “Bɔɔ bifɔ áke ɔlu Jɔn menwyaá bɔɔ manaá Esɔwɔ, abifɔ áke ɔlu Elija ne abifɔ áke ɔlu muú ekpávε Esɔwɔ ama.”

²⁹ Ajógémbɔ, Jisɔs agíí εbwɔ aké ne “Yé enyú ambɔɔ deké me nlu waá”? Pita ashuú ji meko aké, “Wɔ ɔlu Muú yi Esɔwɔ akweré ji elá gefwa.”

³⁰ Jisɔs akwelé baá utɔɔ bíí mbeé nnó ékágé ágaré muú fɔ, muú ayi ji alu.

Jisɔs agaré εfwyale wuú ne negbo níí

(Mat 16:21-28; Luk 9:22-27)

³¹ Jisɔs alɔ mangaré nnó, Maá Nte Mekwaá abɔ mangé gejamégé εfwyale, εle ákpakpa melɔ, ne anɔɔ baá bi ápyε upε ne anleré mabe Esɔwɔ, áshya nyε ji, áwáne nyε ji. Yémbɔ ndɔ eléé ekwɔnegé akwilege nyε né negbo.

³² Ne Jisɔs agaré εbwɔ mechɔ ewe gbɔgɔnɔ. Ajóge mbɔ, Pita ase ji átené εgbε. Alɔ manshule ji ndo nnó ajóge se gefóge mechɔ ewémbɔ.

³³ Yémbɔ Jisɔs abwɔlé ushu ape baá utɔɔ bíí ne ashule Pita ndo aké ne ji, “Kwilé me mbe ushu

danchomeló. Ɖférege unó nkane mekwaá, ɔferégé fó eké Ɖsɔwɔ.”

³⁴ Ne Jisɔs akuú gejamégé bɔɔ bimbɔ ne baá utɔɔ bií, ajɔɔ ne ebwɔ aké, “Yé mbɔgé muú enyú akelege mambe menkwɔle wa, abɔ manjinte gеме jíi akpa gekwa ji akame ye negbo ne akwólégé me.

³⁵ Mbɔgé muú akelege mampooó geɲwá jíi ebyénnó aníige nye geji, ne mbɔgé muú akamégé manchyéé geɲwá jíi getú ya ne abya melóméló, apomé nye.

³⁶ Ndé nsá ayi muú ábɔɔ, mbɔgé abege ne unó mme uko ne aníige geɲwá jíi?

³⁷ Ndé genó muú ákage bɔ achye mankwɔré ne geɲwá jíi?

³⁸ Kaáge nnó mbɔgé mmyé égbóo muú géтуú ya ne mekomejɔɔ wa né mbe ushu nyje eniné na, eniné nétií meso ne Ɖsɔwɔ, népyéé gabogabo, mbɔntó ne Maá Nte Mekwaá mmye egbóo nyé ji mansе muú yimbɔ ndere muú wuú gébége aké achwɔ ne makiénné ukpea jíi ne enoge ewé Nte wuú achyéé ji.”

9

¹ Jisɔs ama jɔɔ ne bɔɔ bimbɔ aké, “Ngarege enyú wáwálé nnó, gentɔgé bɔɔ álú mbɔ fáná, abi alá gbóo fɔ kpaá te ágene nye gefwage Ɖsɔwɔ ndere gechwɔɔ ne eshye wuú.”

*Jisɔs akwɔré gefɔɔ agenege mané mané
(Mat 17:1-9; Luk 9:28-36)*

² Ndɔ ékéné ékógé Jisɔs ase Pita, Jemsi ne Jon ákwɔ áfэ mfaá Mekwe fɔ kpaá. Ajyеge ájwólé ebwɔ ebwɔ áke ápele menyammye Jisɔs alɔ manshwanеge né mbe ushu bwɔ.

³ Gefɔ́ ɛyigé mandeé ji akpea ye muú ayi akage shwɔne áji nnó ábè pópó mbɔ apó, ye ébélé ne uka.

⁴ Aké ápéle ágé Elija ne Mosis ákwɔ́ fwéé ájɔ́ge mejɔ́ ne Jisɔs.

⁵ Pita ajɔ́ ne Jisɔs aké, “Ata, eló ndere esé délú fa, gó ese déténe óto úléé, géma eta wye, géma eta Mosis, géma eta Elija.”

⁶ Pita akágé se genó ɛyigé ji ajɔ́ge néndé efó ékwɔ́ ebwɔ́ matɔ́ dɔ́.

⁷ Ndere ajɔ́ge mbɔ, aké ápelé gekó gekweré ebwɔ́ mme ne meko atané né mmu gekó ɛyigembɔ aké, “Gége maá wa ayi mbwi metɔ́ na, wuúge ne ji.”

⁸ Ténéténé yimbɔ aké amagé pe áge sé ye muú fɔ́ wɔ́ ekosé Jisɔs jimbií ne ebwɔ́ ambɔ́.

⁹ Ndere ebwɔ́ áshulege mékwé ájyεé, Jisɔs áji ebwɔ́ etu aké ékagé ágáre muú fɔ́ genó ɛyige ebwɔ́ ágené kpaá te ji Maá Nte Mekwaá akwilége né negbo.

¹⁰ Awúgé depɔ́ tire Jisɔs ajɔ́, ábele wyé déti né mmu matɔ́ bwɔ́, ne ágiíge ate nkane ulaá mankwilé né negbo útené.

¹¹ Ne baá utɔ́ Jisɔs bimɔ́ ágií ji aké, “Ulannó ánleré mabé ɛsɔwɔ́ ájɔ́ aké Elija abó mambɔ́ mbe achwɔ́ ne Muú yi ɛsɔwɔ́ akwere ji ela gefwa?”

¹² Eféé Jisɔs akamé aké, “Elú wáwálé nnó, Elija abó mambɔ́ mbe achwɔ́ akwyεé unó uko abelé, yémbɔ ulannó ásáme ntó né mmu ηwe ɛsɔwɔ́ nnó, ‘Maá Nte Mekwaá abɔ́ mange gejamégé efwyale ne ápaá nye ji, áma shyá jí?’

¹³ Yémbɔ ngárege enyú wáwálé nnó, Elija achwɔ́ mé ne bɔ́ ápyε gabo ne ji nkane ejií ebwɔ́ wye ndere abɔ́ asamé né mmu ηwe ɛsɔwɔ́ atomé ne ji.”

*Jis̄as apye maá ayi améé gesasa atoō
(Mat 17:14-21; Luk 9:37-43a)*

14 Ebwó ákérégé meso, áge gejamé gé b̄oó ndere án̄oó baá ut̄oó abif̄o né mme án̄lere mabe Es̄ow̄o anyeé mbeé ne ebwó.

15 Ne b̄oó bimb̄o áké agéne Jis̄as ácháné ala áme makpo fan̄ álomé ájye táme ji.

16 Jis̄as agií án̄leré mabe Es̄ow̄o aké, “Nde enyú denyeé mbeé ne ebwó?”

17 Ne mende f̄o né geluagé njune b̄oó bimb̄o aké, “Mén̄leré nchwó ne maá wa né eta wye ayi meló nchye apyé ji alá j̄ogé mej̄oó.

18 Yéndégébé meló nchye yimb̄o akwilé gé ji mmye, apye ji akwe mme, génfwéné gétánege ji meno, anyé mán̄éné ala nógeé. Nne baá ut̄oó bye mmye nnó áféré meló nchye yimb̄o, ápulé ép̄w̄o.”

19 Jis̄as ashuú ebwó meko aké, “E é ndé gef̄oge njye eni nelá fyéé met̄oó ne Es̄ow̄o? Nkoge mb̄o met̄oó ne enyú nnó? Mmage b̄é ne enyú nd̄o enií ne défyéé mat̄oó ne Es̄ow̄o? Chwóge me ne maá yimb̄o.”

20 Achwó ne maá yimb̄o mbaá Jis̄as.

Ndere meló nchye yimb̄o agéné Jis̄as, apye maá yimb̄o akwé mme achuú gbok! gbok, génfwéné getánege meno.

21 Jis̄as agé gé mb̄o agií nte maá yimb̄o aké, “Nemeé niné na nébele mé ji mmye nnó?”

Mende yimb̄o aké, “Nel̄o ji te dembáné.”

22 “Meló nchye yimb̄o ákélege manwá ji, apyé ji akwéne gébé eyigé f̄o né mew̄e gebé eyif̄o né nnyi, Ata gé esé meshwe ōpoó esé mb̄ogé okage pye.”

23 Jis̄as agií ji aké, “Ndé genó wá ójoge! Nnó mbogé okage pye? Esowá apye yéndegenó eyi gejweregé ne muú ayi áfyéé metóó ne ji.”

24 Nte maá yimbó ala ténéténé aké, “Me nkamé ne Esowá, Ata, poó me nkame ne metóó ema.”

25 Gébégé Jis̄as agéné nnó gejamégé b́óó áboó áchwóó ji mmye, anyá meló nchye yimbó aké, “Wá mbú ne álú, nnyá wá tánege ji mmye. Ojyé mbó okerege sé.”

26 Meló nchye yimbó apye maá yimbó akalé akwé mme ne alé táne ji mmye. Atánégé, maá yimbó ala mme nyamé eké mewu muú ne b́óó ágégé mbó áférege nnó ágbó.

27 Jis̄as agbaré ji ebwá, abwéé ji akwilé tené.

28 Ne Jis̄as ne baá utóó bií ákerégé mmu, ágií ji bibíí aké, “Ulannó ne esé dépulé meló nchye yimbó mambuú apwá?”

29 Jis̄as agare ebwó aké, wye lé mmyemenene ne ekage feré gefogé meló nchye yina. *

*Jis̄as ama gare baá utóó bií ndere ji agboó nye
(Mat 17:22, 23 ; Luk 9:43b-45)*

30 Jis̄as ne baá utóó bií ályá mbaá yimbó ákoó koóge né gebagé mewaá Galilíí. Ji ákélégé f́ó nnó muú akaá mbaá ayi ji alú.

31 Nénde ji abó alerege ebwó nnó, “Meso gébé áchyége nye Maá Nte Mekwaá né amu b́óó nchye, áwáne nye ji. Yémbó ndó eléé ekwónégé, ji akwilege nye né negbo.”

32 Yelé ji agaré neka eni, baá utóó bií ákaá ula wó, ne áma áf́óó mangií ji ula neka eníné na.

* **9:29** Elú wáwálé nnó: Manlya menyéé kpekpe ápó né gejamégé gekwene b́ó nwe bi mbembe abi ábó ásame.

Ndé muú alú muú kpaá
(Mat 18:1-5; Luk 9:46-48)

³³ Ebwó ákwónégé né melo Kapanom, ájye kpe né gepú eyige ebwó ájwale. Jisós agií baá utóó bií aké, “Ndé enyú denyé nye mbeé né meti gébégé dechwóó.”

³⁴ Awúgé mbó, ákwené nyámé getúgé ebwó ábó ányéé mbeé mechó dékpaakpa.

³⁵ Ajwólégé ka, akuú baá utóó bií makpo áfyaneápeá, áchwage, ajóó ne ebwó aké, “Mboge muú akélege mambé muú kpaá né geluage nyú, abó mambé ndere maá defwé akpáné defwe mbaá abifó.”

³⁶ Ajoge mbó, akuú maá fó kóó achwó téné né metóó metóó ebwó, akpa maá yimbó né amu jíí ajóó ne baá utóó bií aké,

³⁷ “Yéndémuú ayi akamege mampye galógáló ne mamane kóó nkane ayina né mabó ma, ebyennó apyembó lé ne me ne yéndémuú ayi apye galógáló ne me ntó, ebyennó apyembó lé ne nte waá yi átómé me.”

Muú ayi álá paá esé alu awesé

³⁸ Ne Jon akuú Jisós aké, “Ménleré, esé degé mende fó asele mabó myéé aferege bóó aló nchye né mmye. Degégémbó, dégbé ji gétúgé álá pó fó né geluá gesé.”

³⁹ Jisós ajóó ne ebwó aké, “Dégbégé fó gefogé muú yimbó. Néndé ye muú yi asele mabó ma apyéé ufélekpá ne éwyagé ajoge gabo getú ya apó,

⁴⁰ nénde muú yi álá paá esé, alu awesé.

41 Ngarege enyú wáwálé nnó ye muú ayi achyεge enyú nkɔ manaá né mabɔ ama gétúgé délu bɔ́ ba ayi álá abɔ́ nyε nsá apó.” †

Mmuameno mampye gabo
(*Mat 18:6-9; Luk 17:1, 2*)

42 Jisɔs áamá jɔ́ aké, “Yéndémuú ayi apyεé mane kɔ́ nkane ayina ayi áfyεé metɔ́ ne me nnó apyε gabo, élú galógáló nnó áshíí ji gekpékpé gé ntaá né gemε, áhémé ji né gentoógé ebεé mega.

43-44 Ama jyε mbe aké, mbɔ́gé ebwɔ wyε epyé wɔ nnó ɔkwéné mabé Eɔwɔ, sɔ ewu ɔfómé, élú galógáló nnó ɔkpe né geɲwá gechúchúle ne nnó ɔkpe né ntoné mewε ewé élá nómégé ne amu apea. ‡

45-46 Ne mbɔ́gé geká jyε ne gétene wɔ nnó ɔkwéné mabé Eɔwɔ, sɔ geji ɔfómé, élú galógáló nnó ɔkpe né geɲwá geká géma epwɔ nnó ɔkpe uka upea né ntoné mewε ewé élá nómégé ne bɔ dámmwólé bíí ntó ala gboó.

47 Ne mbɔ́gé dambɔ́nnyi wyε atene wɔ nnó ɔkwéné mabé Eɔwɔ, pwólé ji ɔfómé, élú galógáló nnó ɔkpe né gefwa eyigé Eɔwɔ ágbárege gechúchúle ne nnó ɔkpe né ntoné mewε ewé élá nómégé ne amé ápeá.

48 ‘Mbaá yi bɔ dámmwólé bí álá gboó, ne mewε ewu ntó ela nomege.’

49 “Yéndémuú awuú nyε mewε né menyammyε wuú wyε nkane muú áchwarege mega né menyéé nnó ékágé áchɔ́.

† 9:41 Elú wáwálé nnó: Jisɔs ajógé mbɔ atóme lé ne gemε jíí ndere muú ayi Eɔwɔ ákwere ji ela gefwa. ‡ 9:43-44 Elú wáwálé nnó: Malɔ 44 ne 46 ápɔ́ fɔ́ né gejamégé bɔ ɲwe. Unó bí ájɔ́ né malɔ ayina úlú wyε eké ebi ájɔ́ né malɔ 48.

50 “Mega élu genó gelógéló, ne mbogé mega éla pó sé ne ugo bíí, ápyeé mbó nnó ne ewu ema egóó?”

“Ewéna éleré nnó enyú débé eké mega, dényegé nesó ne ate.”

10

Jisós alerege deparé manwá neba (Mat 19:1-8)

¹ Eféé Jisós alyaá Kapenum, afé né gebagé mewaá Judiya, achyaá ebeé Jodan. Ndere akwóné éwu, gejamégé bós áma chwó nò ji mme ne aló mánleré ébwó nkane ji apye mé yéndégébé.

² Bós Farasi fò afé eta wuú mammua ji, ágii ji áké, “Nnó ebé esé ekamé nnó mende awá neba ne mendée wuú?”

³ Jisós ashúú ébwó meko aké, “Ebe ewé Mosis achyé enyú gétúgé neba ejóó nnó?”

⁴ Ébwó áshúú meko aké, “Mosis abo agaré esé nnó mende akáge chyéé mendée wuú mekpo ηwe manlere nnó awá neba ne akage lyaá ji.”

⁵ Ne Jisós ajóó ne ébwó aké, “Elé gétúgé mekpo meto nyú ne epye Mosis achyéé enyú ebé ewéna.

⁶ Te ula ulóó ebi Esowó alóó mankwyε mme, akwyéé ébwó, mende ne mendée. *

⁷ Getú eyigé na mende alyage mmá wuú ne nte wuú, afé acho mmyε ne mendée wuú,

⁸ ébwó ápea ákwé muú ama. Ébwó ápó sé bós ápeá nana, ála muú ama.

⁹ Ndere elúmbó, bós abi Esowó áchomé chónchó né neba ékágé muú akya nnó atyáa.”

* **10:6** Elú wáwálé nnó: Né 10:6 Jisós ajóó mbó lé genó eyigé ásame né ηwe ula ulóó 1:27, ne 2:24.

Jisəs alérege depərə ulə ne neba manwá
(*Mat 5:27-32; Mat 5:27-32; Luk 16:18*)

¹⁰ Jisəs ne baá utóó bií ákérégέ mmu, ewyage baá utóó bií áma gií ji mechó nebá ewé.

¹¹ Ajóó ne ebwó aké, “Muú yi awáne neba ne mendée wuú, ajyé bá ayichá, akwé mbə lé ulə,

¹² ne mendée ayi atanege menə wuú neba, ajyεge ba ayichá, akwé mbəntó lé ulə.”

Jisəs ajé ambáné kóó
(*Mat 19:13-15; Luk 18:15-17*)

¹³ Bií uma bəó fə ákpa baá bwó áfε mbaá Jisəs nnó anéréε ebwó amu mmyε, ajé ebwó. Baá utóó bií ágégé mbə, ányá ebwó.

¹⁴ Yémbə Jisəs agégé mbə, metóó ésóó ji ajóó ne ebwó aké, “Lyáge ambánékó áchwó eta wa, ekagé dégbé ebwó néndé gefwa eyigé Esəwə ágbárege gelú eyigé bəó abi álu ndere baá bina.

¹⁵ Gəge me ngare enyú wáwálé nnó muú yi álá kamé nnó Esəwə ábé mfwa wuú nkane mamane kóó wó, akpéné fə né gefwa jíí.”

¹⁶ Efée Jisəs akpa baá bimbə ama ama né uwyaá, anere ebwó amu mmyε ajé ebwó.

Abya muú ŋka
(*Mat 19:16-22; Luk 18:18-30*)

¹⁷ Jisəs alə mánjyε neke, ndere ájyé mendefə alomé gatele achwó kwé ji uká aké, “Ménleré melóméló, mpyée nnó ne mbó gerwá eyi gélagé byée?”

¹⁸ Jisəs ashuú ji meko aké, “Ulannó əkuú me muú melóméló? Yé muú ayi alómé metóó apó, ekosé Esəwə mbií ne alu melóméló.

19 Pó akage mabé Esowá ayi áke, ‘Ekagé owá muú, ekagé akwé uló, ojogé ojo, ekagé óténé ntésé gebyó. Jnyegé manwaá, nógé nte wyéé ne mmá wyéé.’ ”

20 Mende yimbó aké, “Ménleré nló mambélé mabé yina mako te dembáné ta.”

21 Ajógémbó, Jisós apɛ ji domée ne gejeé aké, “Ela wó genó géma. Chó kpó unó byé uko, achyɛ ŋka yimbó mbaá bóó gekpo, obéé nyɛ ne gefwa né mfaánebuú, achwó akwólé me.”

22 Mende yina awugé mechó ewé Jisós ajóó apwa, alyaá afé meshwɛmeshwɛ ne mesómé néndé ji awyaá gefwa dóó.

23 Jisós abwólé mmyɛ apɛ baá utóó bíí aké, “Ejweré ne muú ŋka akpɛ né gefwagé Esowá.”

24 Baá utóó bíí áwúgé mbó alá mano makpo fuú, yémbó Jisós ama jóó ne ebwó aké, baá ba ejwéré mankpɛ né gefwagé Esowá!

25 Elú wáwá nnó mpó mashwone áshwá né embú ábyamé epwó nnó muú ŋka akpɛ né gefwagé Esowá ágbárege.

26 Baá utóó bíí áwúgémbó byó ukore ebwó mmu ágígé atɛ aké, “Ne ndé muú yi abó nyé geŋwá eyi gélágé byéé?”

27 Jisós apɛ ebwó domeé ajóó ne ebwó aké, “Unó bi upwóó ákwaá mampyɛ, upwóó f́ Esowá, néndé Esowá akage pyɛ unó uko.”

28 Pita aló manjóó aké, “Gé, esé delyaá unó sé uko dékwolege wá.”

29 Ne Jisós ashuú meko aké, “Ngarege enyú wáwálé nnó, yéndémuú ayi alyaá gepú jíí, yé lé áŋmé bíí abi andée ne abi ande, amma bíí ne antɛ

bií, baá bií ne makóó jii né gétú ya ne gétúgé abya melóméló,

³⁰ Εσωω achyege nye ji bóó ne gejame unó fa mme yina epwó nkane abó awyaá, yé úpú, áhμέ abi andée ne abi ande, amhá bií ne baá bií ne makóó jii ne áchyege nye ji ntó gejamégé efwyale né gétú ya. Ne abóó nye ntó genwá eyi gélagé byeé né mme ayi áchwó.

³¹ Yémbó gejamégé bóó abi alú mbó mbe nana, meso gébé álaá nye meso ne gejamé abi álu mbó meso nana ábéé nye mbe.”

*Jisós ama gáré máháne aléé nkane ji ágboó nye
(Mat 20:17-19; Luk 18:31-34)*

³² Jisós ne baá utóó bií alyá ákwóme ájyéé né Jerosale, Jisós alu ebwó mbe ne baá utóó bií akwe tametame, efó epye bóó bi akwólege ebwó. Ne Jisós ase baá utóó bií makpo áfyaneápeá átené babá ne aló mangaré ebwó unó bi upye nye ne ji,

³³ aló mangaré ebwó aké, “Wuúge, esé dékwóme mbó déjyéé né Jerosale, ewu, áfyéé nye Maá Nte Mekwaá né amú anóó baá ampyéé upé Εσωω ne ánleré mabé Εσωω. Ebwó ajógé nye nnó, me nkwe mpa, áwá me, ne áfyéé nye ji né amú bóó abi alá pó bóó Jus.

³⁴ Ajwyaáge nye ji, ákpóó ji matye mmye, átulé ji ne áwá ji. Yémbó ndó kpogele éléé ékwónégé, akwilége nye né negbo.”

*Dékpakpa né gefwagé Εσωω
(Mat 20:20-24)*

³⁵ Jemsi ne Jón baá Sebēdee áfe mbaá Jisós aké, “Ménleré dekelege nnó wó opye ese genó gefó.”

36 Jis̄os agií ebwó nnó, “Enyú dekélege mpye nyú ndé?”

37 Ashuú ji meko áké, “Ese dekélege gébégé ojwólégé né geluoge enóge, opye esé dejwolé ne wó, muú ama né egbe ebwonye wye ne ama né egbe ebwobe.”

38 Yémbó Jis̄os ajóó ne ebwó aké, “Nnó enyú dekage genó eyigé degíge mbó. Nnó enyú dekage nyú nye nkó efwyale ayi me nyuú nye? Nnó enyú dekage wó nye manaá efwyale ami me nwóó nye?”

39 Ashuú ji meko áké, “Ese dekage pyembó.” Jis̄os ajóó ne ebwó aké, “Enyú denyuú nye né nkó ayi nnyú nye ne dewóó nye manaá efwyale ami me nwóó.”

40 Yémbó, me fó wó njyaá bóó bi ájwólege né ebwonye wa ne abi ajwólege né ebwobe wó. Malu yimbó alú mbaá bóó bi abó manjwolé wyeé.”

41 Baá utó Jis̄os abi makpo áfya áwúgé genó eyigé Jemsi ne Jón ajóó mbó, ábó mansó matóó ne ebwó.

42 Jis̄os akuú ebwó ako ajóó ne ebwó aké, Enyú dekaá nnó ákpakpa bóó abi alá pó bóó Jus áwyaá utó mampye ne bóó bwó nkane ejíí ebwó. Yé ákpakpa meló áwyaá utó bi ajóge mechó ne bóó bwó ébyé.

43 Ne ébége fó mbó ne enyú. Yéndémuú nyú ayi akélege mambé muú kpaá abó mambé ménkpané defwé nyú,

44 yéndémuú nyú ayi akélege mambé menombé abó mambé eké mefwé mbaá bóó ako.

45 Pége gekpekpégé muú ndere Maá Nte Mekwaá, ji achwóó fó nnó bóó ákpá ji defwé wó, achwó lé mánkpa bóó defwé nnó achye geme jíí mawené gejámégé bóó né gabo.

Jisós apye Batimus agene

⁴⁶ Jisós ne baá utóó bíí akwóné né Jeriko. Ndere ályaa ájyé, gejamégé bós ákwólege ébwó meso. Muú amé nónómé fò akamege Batimus maá Timós ajwólé né mapea meti akós deko.

⁴⁷ Awúgé nnó Jisós ayi Nasaret ne akoóge mbó aló mankalé aké, “Jisós mpyáne Devid, gé me meshwe.”

⁴⁸ Gejamégé bós áweé ji aké jwòle nyame, yémbó akálege wye kálege ne eshye aké, “Mpyáne Devid ge me meshwe.”

⁴⁹ Jisós awúgé mbó atené, ajós aké, “kuúge ji achwó.” Ajye kuú ji aké, “Kwilé ka chwó ofoge, ákuú wó.”

⁵⁰ Muú amé nónómé yimbó afere nkú gefwine wuú anmé, anyo akwilé ka ája ji áfé mbaá Jisós.

⁵¹ Jisós agíí ji aké, “Ndé genó wó okélege nnó me mpye eta wyé?” Muú amé nónómé yimbó ashuú meko aké, “Ata, nkelege nnó opyé me ngéné mbaá.”

⁵² Jisós ajós ne ji aké, “Chó mmu gepú jyé, metóó ewé wó ofyéé ne me epye wó otóó.”

Ténéténé yimbó aló mángéné mbaá ne akwólege ji.

11*Jisós akpe né Jerosale nkane mfwa*

(*Mat 21:1-9; Luk 19:28-40; Jón 12:12-19*)

¹ Ndere Jisós ne baá utóó bíí álé kwókwólé ne Jerosale, ákwónégé Betfage ne Betani baá maló áyi álú mfaá Mékwé Olif, ató baá utóó bíí makpo ápeá nnó ábó mbe.

² Ajós ne ébwó aké, “Chogé né maá meló ayi alu mbó enyú né mbe. Ndere dékpene wye, dégene nyé

maá géjuṅá ayi áshii muú álú danḡé wye. Kaáge, déchwó ne geji.

³ Ne mbogé muú agigé enyú nnó waá aké dekaá, garege ji nnó, Ata ne akélege, ne anérégé atomé nyε gekéré wáwá.”

⁴ Ajyége, áge maá géjuṅá yimbó ndere áshii né mbe menombi εgbε menó meti. Aló mánkaá geji,

⁵ ndere ákaágé bós abi álú eféé ágií εbwó áké, “Dekaáge géjuṅá yimbó ndé?”

⁶ Baá utós Jisós ágaré bós bimbó wye nkane Jisós abó ajós gébége atóme εbwó, ne ályaá εbwó ájye ne geji.

⁷ Achwógé ne géjuṅá yimbó mbaá Jisós, áfere mandeé bwó ágyaá géjuṅá yimbó né meso, Jisós akwó ajwólé mfaá.

⁸ Gejamégé bós ágyaáge mandeé bwó né meti nnó géjuṅá yimbó gekené mfaá, abifo ásórege uwó mámé ágyaáge meti ntó.

⁹ Ndere ajye bós abi álú mbe ne abi álú meso ákálege áké, “Matame mábé ne Εσωω! Mejé εbé ne muú ayi achwó né mabó Ata.”

¹⁰ Mejé εβε ne gefwage nte sé Devid eyi gechwós mbó! Matame mábé ne Εσωω ayi álú né mfaánebuú ενiné mfaá mfaá!

¹¹ Ndere Jisós akpené né Jerosale, ajye kpe né mmú εcha upe Εσωω ape yéndégenó. Agégé nnó gébé gekoó, ase baá utós bíí áfyanéapeá ákeré né melo Betani manjye bele wye.

*Jisós alwεré genósge fig gégbó
(Mat 21:18-22)*

¹² Bíí ujjágé, ndere εbwó ályaá Betani ákérégé meso, mesa aló mamye ji.

13 Atene tete agé genó fig ne gejamé gé bya wye, afé ape nnó agene nye gempome fo wye. Akwónégé agé yé gefó wó ekosé bya ubiubi néndé gébé eyigé unó fig uwóme umpomé gelu gakwáne.

14 Jisós ajóó ne genó fig eyigembó aké, “Te mme abyéé muú amage nyéé sé gempome jyéé.” Baá utóó bíí áwuú genó eyigé ji ajóó.

*Jisós abú bóó bi ákpóó unó né mmu εcha υπε Εσωω
(Mat 21:12-13; Luk 19:45-48; Jón 2:13-22)*

15 Εβώó ákwónégé né Jerosale, Jisós akpe né mmu εcha υπε Εσωω, aló mambu bóó abi ákpóó ne abi ánáme unó né mmu. Atyá makpókópógélé bóó abi ákene gesegé manka mankworé ne malu ujwólé bóó ako abi ákpóó upwine meló ebi ápye υπε Εσωω ne ubi.

16 Ne ama kame sé nnó muú áma kpá genó gese akoó ye ne geji né mmu εcha υπε Εσωω wó.

17 Ne aló manlere bóó aké, “Ása mmu ηwe Εσωω nnó Εσωω aké, ‘Gepú ya ákuú nye geji nnó gepúgé mmyemenene mbaá uμε maló mako.’? Yémbó enyú débwalé géji gelá melu ewé ánjó ábige wyéé.”

18 Anóó baá abi ápyéé υπε Εσωω ne ánleré mabé Εσωω áwúge depóó tiré Jisós apye, aló mánkεle meti nnó áwá ji. Afóó ji gétúgé gejamé gé bóó álaá meno mekpo fuú né unó bi Ji alerege.

19 Nkwale akwonege, Jisós ne baá utóó bíí álya meló kpaá áfe ábelé mbaá ayicha.

*Genó gé fig gégbó
(Mat 21:18-22)*

20 Ne dondo ayi Jisós ne baá utóó bíí ákerege meso, áge genó gé fig eyi Jisós abó jóó nnó gemage wó se unpome nkane gegbó με.

21 Pita atege genó eyigé Jisəs abə ajóó ne genóge fig yimbə, ajóó ne ji aké, “Ménleré, gé genóó eyigé óbó ójóó nnó gemage wə sé umpome gégbó.”

22 Ne Jisəs ashuú ebwó meko aké, “Fyεge matóó nyú ne Εσωω.

23 Ngarege enyú wáwálé nnó, muú ajóoge ne mékwé ewéna nnó, ‘Kwilé fa əkwéné mmu ebéé mega,’ ayi ála pó ne dembyə né metóó ne akamege nnó genó eyigé ji ajóó gepyéé nye, Εσωω apye wye nkane ji ajóó.

24 Ngarege enyú nnó dégíge yéndegenó né mmyemenene mbaá Εσωω, kamege nnó dése mé geji, ne gebéé nye eyigé nyú.

25 Ne yéndé gebé enyú deke denenemmye, debó manjinte gabo yi bəó ápyéé eta nyú nnó Nte nyú yi alu né mfaánebuú ajinte gabo awu nyú ntó.

26 Yémbə dela jinté gabo yi bəó ápye etá nyú wó, nte nyú yi alu né mfaánebuú ajígé fó nte gabo awu nyú.” *

*Agü Jisəs mbaá ayi uto ebi utané
(Mat 21:23-27; Luk 20:1-8)*

27 Jisəs ne baá utóó bií ákéré meso né Jerosale. Ndere akwóne, akpe né εcha upε Εσωω alə mankéne né mmu, anóó baá abi ápyéé upε Εσωω ne ánleré mabé Εσωω chóncho ne ákpakpa melə ájye gií ji áké,

28 “Wə əpye unó bina ne ndé uto, ne waá achyéé wə uto ubi?”

29 Jisəs ashuú ebwó meko aké, “Me ntó nwyaa awa nkwe mangü enyú, degarege me, me ntó ngare enyú uto bi me nwyaa ne mpyéé unó bina.

* 11:26 Ελί wáwálé nnó: Ukwene bə ηwe abifo agbéé v. 26 nkane KJV.

30 Agií ebwó aké, Waá achye Jɔn uto manwyaá bɔ́ɔ manaá Esɔwɔ, Esɔwɔ waá akwaá? Shuúge me meko.”

31 Alɔ manyége mbeé ne ate aké, “Dejógé mbɔ nyɛ nnó? Ebege dejógé nnó, ‘Elé Esɔwɔ ne achyéé Jɔn uto bí,’ agige nyɛ esé aké, ‘ulannó ne delá kamé mekomejó wuú wó?’

32 Nnó dejó nnó utó bií utané mbaá akwaá?” Akage jó fɔ mbɔ gétúgé áfɔ́ bɔ́ɔ bi álu eféé nendé yéndémuú ajóge nnó Jɔn abó alu muú ekpávɛ Esɔwɔ wáwálé.

33 Ewéna epye ebwó áshuú Jisɔs meko aké, “Esé dekaá wó”.

Jisɔs ashuú ntó ebwó meko aké, “Yé me ntó ngárégé fɔ enyú muú yi achyéé me uto ne mpyé unó bina.”

12

Nekanemejó bɔ́ɔ uségé ne mbɔ́ɔ mekɔ́

(Mat 21:33-46; Luk 20:9-19)

1 Eféé Jisɔs alɔ manto ebwó nekanemejó aké, “Mende fɔ abɔ ató mekɔ́ wuú, ape unɔ́ ebi ákuú vine, ábɔ́gé umpome bií ápyéé mmɔ́, anɔ gebame agyaá ewú mme, achó embu, akwyéé mbaá ayi ánjámege umpome mampye mmɔ́. Atene enyɔɔ mbaá ayi muú ájwólege ábamé mekɔ́. Ase bɔ́ɔ uségé afyé né mekɔ́ ewémbɔ. Atane afé neke né melɔ fɔ.

2 Gébé gekwónégé eyigé ásɔrege umpome ebimbɔ, mbɔ́ɔ mekɔ́ ató maá defwé wuú ama nnó áchyéé ebií unó mbwé ebi utane né mekɔ́ ewémbɔ.

3 Yémbɔ bɔ́ɔ uségé bimbɔ áchyéé wó, ágbaré maá defwé yimbɔ átulé, ábú ji akéré amuamu.

⁴ Mbóó mekóó ama tó maá defwé ayifó, bóó bimbó ápye ji ntó átulé, ákere ji upa mekpo, áchyéé ji mekpo genóó.

⁵ Ama kere ató ayi agbeé makpo aléé, ji yimbó ágbare áwá. Ató gejamege abifó, átulé abifó, áwá abifó.

⁶ Elá le maá wuú ayi mende ama ayi abóó gejeé ne ji dóó, kwyakwya achwó fére maá yimbó ató, aferege nnó áchyege nye ji énogé.

⁷ Yémbó bóó uségé bimbó ágégé ji áló mánjógé áké ne ate, ‘Gége menyéé geteé mbóó mekóó na, chwóge déwá ji, geteé jíí gelaá eyigé esé.’

⁸ Ápyegé maá mbóó mekóó yimbó, áwá, ábwéé genkwó áfomé meso gébámé.”

⁹ Jisós ánerenge agíí ébwó aké, “Ényú defere nnó mbóó mekóó yimbó apye nye nnó ne bóó uségé bimbó? Abó manchwó awá bóó bimbó achyéé mekóó ewémbó mbaá bóó abicha.

¹⁰ Ényú dejojó me né mmu nwe Esowó nnó, ‘Ntaá eniné antené upú ashyaá nnó nélómé, néni ne nélaá menó ntaá ayi ágbaré ekwó gepú.

¹¹ Ata ne apye nnó ewú ébe mbó, ne elu gekpekpe genó né ame se.’”

¹² Jisós ánerenge mántó nekanemejojó eni, ákprakpa bóó Jus ákaá nnó ajóge mbó lé ne ébwó. Akelé meti mampye ji, yémbó áfóó nyá gejamégé bóó abi álú eféé ályaá ji áfé.

*Agíí Jisós mechó nkamakpo
(Mat 22:15-22; Luk 20:20-26)*

¹³ Éwyage átó bóó Farasi fó ne ekwó Heród nnó ájye agíí Jisós gejamégé bóó nkweé nnó akwegé nekwené meno, ágbaré ji.

14 Ajyégé mbaá Jisṓs ájṓ ne ji áké, “Ménleré esé dékaá nnó ɔlu muú wáwálé. Ɔsele yéndemuú janja, ɔfṓ fṓ amε bṓ. Ɔlerege bṓ unó ndere Esṓwṓ akélege wáwálé. Garé esé, nnó ebé se ekame nnó déchyégé ηkámakpo mbaá mfwa Rom waá déchyégé?”

15 Nnó déchye waá déchyege?”

Yémbṓ Jisṓs agé me defyá debwṓ, agii ebwṓ aké, “Ndé enyú dépenege me mataá? Chwóge me ne sére me nchére.”

16 Achwógé ne ji, agii ebwṓ aké, “Mekpo wá na ne mabṓ waá na ásamé né ηka eyi?” Ashuú ji meko aké, “Élé mekpo mfwa Rom ne mabṓ mií.”

17 Jisṓs agaré ebwṓ aké, “Chyéége mfwa Rom genó eyi gélu éji ne chyéége ntó Esṓwṓ genó eyi gélu eyi Esṓwṓ.”

Awuúgé meko ayi Jisṓs ashuú ebwṓ álaá mano mekpo fuú.

*Agii Jisṓs nkwé mankwile né negbo
(Mat 22:23-33; Luk 20:27-40)*

18 Ewyágé bṓ Sadusi fṓ áchwṓṓ mbaá Jisṓs. Ebwṓ ákame nnó muú agbogé, akwilége sé né negbo. Ajṓ ne Jisṓs áké,

19 “Ménleré, Mosis abṓ asá né mmu ηwe ebé se nnó, ‘Muú agbogé alyage mendée wuú ayi ála byε baá ne ji wṓ, meηmó wuú abṓ mansε mekwi mendée yimbṓ nnó ábyégé baá ábé lé né mabṓ ami mewené meηmo yimbṓ.’”

20 Né gébégé fṓ áηmó fṓ ákénéama abi ande álu, ayi mbe abá mendée agboó yé maá apó.

21 Ayi akwólege ji ase mendée yimbò né ukwi ji ntó agboó yé maá apó. Wyeimbò ne epye ne ayi agbeé makpo áléé.

22 Mbò ne epye ne aḡmó bimbò akénéama. Ebwó ako ágbó ayi ye muú alá bye maá ne mendée yimbò wó. Ebélégé mendée yimbò ntó agbó.

23 Ne ndere ebwó ako ábáné mbò mendée yina, gébégé ákwilégé né negbo, mendée yina abeé nye ayi waá?”

24 Jisós ashuú ebwó meko aké, “Enyú dékaá nnó delu gyéé wó? Delu gyéé nénde dékágé fó mekomejòó Eṣṣwò ne utó bíí.

25 Ama jòó ne ebwó aké, gébégé bòó ákwilégé né negbo, neba nébéé se. Alaá le nkane makiénné Eṣṣwò né mfaánebuú.

26 Ne gétúgé mechò bòó ágbógé ákwilégé né negbo, enyú delu danjòó genó eyigé ásámé mmu ḡwe Mosis? Né abya genòó eyigé mewε εbò eluli wye gélá sòóge, Eṣṣwò ajòó ne Mosis aké, ‘Me nlu Eṣṣwò ayi Abraham, ne ayi Asek ne ayi Jakòb’.

27 Eṣṣwò apó fó ayi awuú bòó, alú Eṣṣwò ayi bòó abi álú abε. Enyú bòó Sadusi ako delu gyéε né mechó ewéna.”

Ebé ewé epwò mabe mako

(Mat 22:34-40; Luk 10:25-28)

28 Ménleré mabé Eṣṣwò fò ayi alú efeé gébégé Jisós ajòóge ne bòó Sadusi, ágégé nnó Jisós ashuú ebwó meko ne denḡa ágíí ji áké, “Ebé Eṣṣwò ewéndé eḡea epwòó mabé mako?”

29 Jisós ashuú ji meko aké, “Ebé ewé epwòó mabe mako ele ewé ejòó nnó, bòó Isreli wuúge Eṣṣwò nte se ayi abò esé ako alu ama,

³⁰ gbógé ne Ata Εσωω wyé ne metwó wyé meko, ne mendoó wyé meko ne uféré byéé uko. Té gé wyé lé ji yéndégébé, pyégé utwó bií ne eshye wyé meko,

³¹ ne ewé egbeé apeá eke, gbógé ne nte ménmé wyé ndere ogboó ne geme jyéé. Yé ebé ewé eñeá epwó ayina apeá épó.”

³² Ménleré mabé Εσωω yimbwó ajwó ne Jisws aké, “Ménleré, wjwó chánéné, elu wáwálé nkane wjwó nnó Εσωω alu ama ayichá apó.

³³ Ne élú ntó wáwálé nnó wjwó mambógé gejee ne Εσωω ne metwó wyé meko, wjwó mántégé wyé lé ji yéndégébé, wjwó mámpyégé utwó bií ne eshye wyé meko. Ne wjwó mambwó gejeé ne ate bwó nkane wjwó gejeé ne geme jyéé. Wbelege mabé ayina apeá elw epwó yéndé gefwé upε ne eshye ewé wjwó né mewε wchyege mbaá Εσωω nkane eshye.”

³⁴ Jisws agegé nnó menleré mabe Εσωω ayina ashuu meko melómélw, ajwó ne ji aké, “Ela wó gachyé ne wkpé né gefwage Εσωω. Elw né gébé eyigémbw yé muú ayi ama mua mangii ji nkwe apó.”

*Muú ayi Εσωω akweré ji ela gefwa alu maá wad?
(Mat 22:41-46; Luk 20:41-44)*

³⁵ Ndere Jisws alérege bwó né escha upε Εσωω, ajwó aké, “Epye nnó ne ánléré mabé Εσωω aké Muú yi Εσωω akweré ji elá gefwa alu mpyáne mfwa Devid?

³⁶ Mendoó Ukpea ne epye mfwa Devid jimbwó abw ajwó nnó,

‘Ata Εσωω aké ne Ata wa,
jwólé fa né egbé ebwonye wa né gelúge énogé

kpaá τε mpyéé bɔ́ mawámé byéé álaá eké mboó
genɔ́ ayi ɔ́nérege uká byéé mfaá.’

³⁷ Ne mbɔ́gé mfwa Devid akú Muú yi Esɔwɔ akweré
ji elá gefwa nnó ‘Ata wuú’, epyéémɔ́ nnó ne muú
yimbɔ́ ámagé bé mpyáne wuú?”

Nɔ́ere Jisɔs alerege mbɔ́ mmye muú ayi alu eféé
matoó ágɔ́ ebwɔ́ manwúgé unó bi ji álerege.

*Jisɔs akwelé baá utɔ́ bii mbeé nnó ekage áse
gepɔ́gé Anleré mabe Esɔwɔ*

(Mat 23:1-36; Luk 11:43, 46; 20:45, 46)

³⁸ Nɔ́ere Jisɔs alu lérege aké, “Sége gébé ne
gepɔ́gé ánleré mabé Esɔwɔ. Ebwɔ́ ágboó mámfyéé
bɔ́ nkúu átyé átyé, ákéné ágyaáge ntoné gese nnó
bɔ́ átaméé ebwɔ́ ne énogé.

³⁹ Ebwɔ́ ágboó ntó mánjwólé né malu énogé né
mmu macha mmyemenene, ne ájyéé epaá, ájyaá
lé malu afwa ne ájwólege.

⁴⁰ Ebwɔ́ ányé ákwi ándée upwɔ́, ánéne mmye
áwyáge mámbwólé bɔ́ nnó álú bɔ́ alálá. Nɔ́ere
ápyembɔ́ efwyale ebwɔ́ ejame nye epwɔ́.”

Echyé mbya mekwi mendée

⁴¹ Jisɔs anérége manlere, ajye jwólé toitoi ne
mekwa ewé áfyéé nka apele nɔ́ere bɔ́ áchwɔ́ áfyé
manka bwɔ́ mmu genó eyigé áfyé nka Esɔwɔ. Agé
nɔ́ere gejáméé bɔ́ manka áchwɔ́ áfyéé gejáméé
nka.

⁴² Ewyage mbya mekwi mendée fɔ́ achwɔ́ fyé ntó
baá ubaá nɔ́ba ápeá abi álá fuú ye genó wɔ́.

⁴³ Mekwi mendée yimbɔ́ achyegé mbɔ́, Jisɔs akú
baá utɔ́ bii aké, “Ngarege enyú wáwálé nnó echyegé
ewé mbya mekwi mendée yina achyéé epwɔ́ ewé
yéndémuú áchyéé.

44 Yéndemuú áferé ekeke nka né gejamé eyi ji awyaá achyé, yémbò, ye lé mekwi mendée yina alu mbya, akwe ula géba jí achyéé.”

13

Jisòs agaré ndere áchòó nye echa upε Εσωω
(Mat 24:1, 2; Luk 21:5, 6)

¹ Jisòs ályáge echa upε Εσωω, maá utòó wuú ama ajóó ne ji aké, “Ménleré, pe uchánchá upú ebi átené ne uchánchá mataá.”

² Anérégé, Jisòs ashúú ji meko aké, “Pó ògé mbò ukpékpé upú bina? Umúge nye kpá ne mataá ne mataá. Yéé ntaá némaá eni nélaá nye mfaá nte népó.”

³ Ewyage ndere Jisòs ajye jwóle né mfaá Mékwε Olif éwé élú toitoi ne echa upε Εσωω. Pita, Jεmsi, Jòn ne Andru áfé mesomeso ájye giú ji aké,

⁴ “Garé ese, nde gébé eyige depò tiré na depyé nye? Ne ndé gepò ese dégéne nye ne dékaá nnó unó bina uko upye nye wáwálé?”

⁵ Jisòs alò mangaré εbwó aké, “Sége gébé ekagé muú fò ábwólé enyú déno mewaá.

⁶ Njòge mbò, néndé gejamégé bòó áséle nye mabò ma áchwó eta nyú. Adoó nye εbwò εwómé ájòoge aké, ‘Me ne nlu’ Ápye nye mbò ábwólé gejamégé bòó áno mewaá.

⁷ Ne déwuú nye ntó abya be kwókwólé ne enyú, ne ebi ámmye tete, Yémbò gébégé unó bina uké upyéé, débégé fò ne εfò. Néndé unó bina ubò mampye ne epófó nnó mme yina achwò kwya wó.

⁸ Gébé eyigémbò ntó malò kpakpa ámmye nye ne ate ne ate afwa ne bòó bwó ámmye nye ne ate, emímí mesa ekwene nye malumalu. Mme yina

anyige nyé ne eshye abwólé né gejamégé malu. Ewéna ebé nye eké lé ula uló ubalé ebi mendée awúu gébége nebye neké nemmye ji.

*Jis̄as agare aṅgbá bií efwyale ewé ebwó ágéne nye
(Mat 10:16-25; Luk 21:12-17)*

⁹ “Ségé gébé, kaáge nnó ápyéne nye enyú áfyé né amu ákpakpa meló ápa mpa enyú mmu macha eso. Atúlege nye enyú né macha mmyemenene. Né getú ya, ájáme nye enyú détene né mbe ushu bó góména ne afwa meló. Ápyégémbó kaáge nnó dege mbó lé meti mangaré ebwó mekomejóó wa.

¹⁰ Ne gemégé nnó mme yina akwya, bóó ábó mangaré abya Esowó melóméló né maló mako.

¹¹ Gébége ápyégé enyú ekagé dedorégé mmye mankelé uchuú mejóó ebi déjóóge. Gébé gékwónégé jógé uchu mejóó ebi uchwó enyú meno, néndé uchu mejóó ebi déjóóge upófó ebi enyú élé Mendoó Ukpea ne échyége nye enyú.

¹² Ne gebé eyígémbó ntó, aṅmó áchyége nyé atéé aṅmó nnó áwá. Ante áchyége nyé baá bwó nnó áwá. Baá áténege nyé ukóló ne amma bwó ne ante bwó mampye nnó áwá ebwó.

¹³ Bóó ako ápaá nye enyú gétúgé délu áṅkwólé ba. Yémbó yéndémuú ayi akogé metóó te kwyakwyaá, áférege nye ji né efwyale gabo.

*Jis̄as agaré nkane áchóó nye Jerosale
(Mat 24:15-21; Luk 21:20-24)*

¹⁴ Jis̄as afe mbe mánjoge aké, “Gebobogé genó eyi gechyége mekpo unó mbaá Esowó, gepyéé nyé né malu ayi gélage pó mampye. (Muú ayi akúu ṅwe yina ase gebé nnó efwyale echwóó.) Gébé

eyigembɔ, bɔɔ abi ɔlu né gebagé mewaá Judiya ábó ájye ákwó mfaá makwe ábíí.

15 Yéé muú ayi alú mfaá gepú ekagé akyaá nnó ashulege mme ajye bó genó né mmu gepú jíí. *

16 Muú ayi alú ntó né mekwɔ áchwɔgé yé gébé nnó akere mmú achwɔɔ bɔ nku gefwene wuú ne ábó.

17 E é ebéé nyε mbɔ nnó ne andeé abi ɔlú ne mane yé ne abi áchyége baá mámbε.

18 Nége mmyε mbaá Eɔwɔ nnó ekagé unó bina upye gébégé néba,

19 néndé εfwyale εwé εchwɔ nyε, ebéé gekpékpé gé εfwyale εwé délá lú dangé te Eɔwɔ akwyε mme yina ne yé εwé εmage be sé eké εwémɔ εpó.

20 Mbɔgé Eɔwɔ ɔlá sɔré ndɔ yimbɔ εla mboó wó, ebyénnó yéé muú ayi apome nyε apó. Yémɔ gétúgé bɔɔ abi Eɔwɔ ájyaá nnó ábé abií, asɔrege nyε ndɔ eyimbɔ εla mboó.

21 Gébégé yimbɔ, mbɔgé muú agaré εnyú nnó, ‘Gége Kras, Muú yi Eɔwɔ akweré jí élá gefwa alu fa,’ yéé agaré lé εnyú nnó, ‘Alu né’, dékamé gé fɔ ne jíí.

22 Njógε mbɔ mampye εnyú dekaá nnó, bɔɔ gebyɔ abi áké ɔlu Kras ne bɔɔ gebyɔ abi áke ɔlu bɔɔ ekpávε Eɔwɔ ntó áchwɔɔ nyε. Achwɔgé ápyéé nyε ukpékpé ufélekpá ebi upwɔ amu. Apyεmbɔ nnó ábwólé bɔɔ ako ne mbɔgé meti ebεge yé ebélé bɔɔ abi Eɔwɔ ajyaá nnó ábé abií, ábwólé εbwó ánó mewaá.

23 Sége ye gébé! Dekaa nnó mbó mé mbe ngaré

* **13:15** Είλι wáwálé nnó: Bɔɔ Jus áténege upú bwó, mfaá alu de de ayi muú akáge kwɔ ajwóle wyéé.

enyú depɔ etíré na gemεge nnó dépyεgé.

Unó bi upye nye geméǵé nnó Maá Nte Mekwaá ákérege meso fa mme

(Mat 24:29-31; Luk 21:25-28)

²⁴ “Gébéǵé εfwyale ewéna εchwǵé, ténéténé ayi εbyεé, ημεé εkwene nye gemuagemua. Mfaá ágénéǵé sé.

²⁵ Ambe ntó ánómege nye, ne unó bi uwyaá uto né mfaánebuú unyíge nye.

²⁶ Εφέé ne ágéne nye nkane Maá Nte Mekwaá achwǵó né mmu gekó ashúlege achwǵó ne gekpékpéǵé uto ne énéǵé.

²⁷ Wyε né gébé εyígémbɔ, atɔme nye makiénné jíí nnó ájyé anyweré bǵó abi jí ájyaá né mme meko nnó ábé abíí mbaá ama.”

Jisɔs améε gepǵé genǵge fig ne unó bi upyεé nye

²⁸ Jisɔs ajǵó ne baá utǵó bíí aké, “Pεge gepǵge genǵge fig degíí genó wyε. Gébéǵé mata jíí áǵǵé mántó bya uke enyú dekaá nnó nshwǵné achwǵ shúle.

²⁹ Wyémbɔ ntó ne gébéǵé enyú déǵéǵé nkane unó bina upyεé, débó mankaá nnó gébé εyígémbɔ géla kwǵkwǵlé.

³⁰ Ngarege enyú wáwálé nnó njye eníné na néǵboó fǵ kpaá te unó bina ukó úpyεé.

³¹ Mfaá ne mme ákoóge nye yémbɔ mekomejǵó wa alaá te kwyakwya.

Yé muú ayi akaáǵe gébé εyigémbɔ apó

(Mat 24:36-44; Luk 17:26-30, 34-36)

³² “Yé muú ayi ákaá bíí né gébé εyígé unó bina úpyεé nye apó. Makiénné εsɔwǵ ne mfaánebuú

ákaágé fɔ, yé Maá Ɛsɔwɔ jimbɔɔ ákaá wó. Ɛkosé wyɛ Nte wuu ji mbií ne ákaá.

³³ Ségé gébé dékpómé mmyɛ, debé peé dégilé néndé enyú dékaáge fɔ gébé eyíge unó bina upyɛé nyɛ.”

³⁴ Aké, “Elú eké mende fɔ abó ajoyé neke, alyaa gepú jíí ne baá défwɛ bíí nnó ápele. Achyɛé yéndémuú ebi utɔɔ, ajɔɔ ne ayi ábáme gepú aké, ‘Bé peé, ógilé’.

³⁵ Wyembɔ ntó ne enyú débɔ mambɛ peé dégilé néndé dekaá fɔ gébé eyíge mbɔɔ gepú akerege meso wó. Akage chwó ne nkwale, metɔɔ utuú, gejoyéjyégé bíí, yéé ebéle dondo.

³⁶ Ɛkáge akwɔ enyú nenmé ndere debélege dékwánege.

³⁷ Ndere ngarege mbɔ enyú, mbɔntó ne ngárege yéndémuú nnó, Bége peé”.

14

Ajɔɔ geju manwá Jisɔs

(Mat 26:1-5; Luk 22:1, 2; Jɔn 11:45-53)

¹ Ndɔ ela epea eyí bɔɔ Jus ányéɛ epaá koó upú ne epaá brɛd yi alá mualé. Anɔɔ baá ámpyɛé ure Ɛsɔwɔ ne ánleré mabé Ɛsɔwɔ ájwɔle geju ákélege meti nnó áwá Jisɔs bibí.

² Ajɔɔ ne ate áké, “Dépyɛgé fɔ ji gébége epaá ewéna, ékáge bɔɔ áñme ummyɛ né melɔ.”

Awad Jisɔs mawéé né meló Bétani

(Mat 26:6-13; Jɔn 12:1-8)

³ Ndere Jisɔs alu né meló Betani mmu gepúgé Simun muú ubá anyéɛ menyéé, mendée fɔ achwó kpé mmu ne ékpómé mawéé gebé ami majame

ηκα δῶ, ele laménda ayi ebwó ákuú nnó nard. Anené menó ékprómé ewémbo agbe maweeé mimbo né mekpo Jisῶs.

⁴ Mendée yina apyεge mbo, matῶ áśó bῶ fῶ abi álu eféé kpaá te ájῶge ne ate áké, “Mendée yina achῶ mbo maweeé mína ndé?”

⁵ Mawée amí ákáge kpró, áse gejamégé ηka eyi epwῶ ηka eyi muu akage pye né ηme, áchyéé mbaá ubyá bῶ ne wῶ mendée yina óchῶ mbo?”

⁶ Jisῶs ajῶ ne ebwó ake, “Gῶge ji abe nyame, ndé enyú dechyége ji efwyale? Apyε mbo lé me genchánchágé genó eta wa.

⁷ Ubyá bῶ úlú ne enyú, dékáge poó ebwó yéndégébé eyi dékélege. Ne me mbeé nye fῶ ne enyú gébé geko.

⁸ Mendée yina apyε me genó eyigé ji akaáge pye, abó mbe agbe me maweeé mmye nnó gébégé ngboge áníí me níige.

⁹ Ngarege enyú wáwálé nnó yéndé mbaá ayi bῶ ágárege nye Abya melóméló ayina né mme meko, ágárege nye ntó genó eyigé mendée yina apyε. Nkane ágárege, mbῶntó ne áteé nye ji yéndégébé.”

Judas akame mankpó Jisῶs

(Mat 26:14-16; 11; Luk 22:3-6)

¹⁰ Judas Iscarot ayi alú maá utῶ Jisῶs ama né géluágé abi áfyaneápeá, ajye báne anῶ baá ámpyεé ure Esῶwῶ nnó ákpoó ebwó Jisῶs.

¹¹ Ebwó awuúgé gejuge Judas, matῶ ágo ebwó ányemenó nnó áchyége ji ηka. Eféé ne Judas álῶ mankélegé meti ewé ji apyεé ne Jisῶs akpe ebwó né ámu.

Jisɔs anyéé epaá koó upú ne baá utɔ́ bíi
(*Mat 26:17-25; Luk 22:7-13, 21-23; Jɔn 13:21-30*)

¹² Bii mbe ebí anyéé epaá bred yi álá muálé, gébé eyígémbɔ ne áwáne mágónnámé gepɛ nnó anyé epaá koó upú. Baá utɔ́ Jisɔs ájye gií ji áké, “Átá ndé mbaá yi ókélege nnó esé déjyé détyéé menyéé epaá koó upú wyéé?”

¹³ Agigémbɔ Jisɔs áferé baá utɔ́ bíi ápeá, ató aké, “Chóge né meló kpaá, detuge nye ne mende fɔ ayi ákpané nkɔ́ manaá né mekpɔ, kwólege ji.

¹⁴ Dekwónégé né gepú eyígé ji akpené, jóge ne mbɔ́ gepú nnó, ‘Ménleré aké dégií wɔ nnó, maá gepú ánkéé alé nnó ji achwágé ajwólé anyé menyéé epaá koó upú ne baá utɔ́ bíi?’

¹⁵ Ne mbɔ́ gepú yimbɔ alerege nye enyú maá gepú ayi ákwyé mé ábélé né mfaá enyón, tyége menyéé sé eféé.”

¹⁶ Baá utɔ́ bimbɔ ájyεge, ágé wyε yéndégenó nkane Jisɔs ajɔ́, átyé menyéé epaá koó upú bwó eféé ábele.

¹⁷ Nkwale akwónégé, Jisɔs ne baá utɔ́ bíi makpɔ áfyaneápeá, áfé manyé menyéé yimbɔ.

¹⁸ Ndere ájwólé anyéé menyéé Jisɔs ajɔ́ ne εbwó aké, “Ngarege enyú wáwálé nnó muú nyú ama achyεge nye me mankwaá.” Mbɔ́ yimbɔ alu mbɔ fa anyé menyéé ne me.

¹⁹ Baá utɔ́ bíi áwúgé mbɔ, ála mmyε meshwεmeshwε, yéndémuú agige ji áké, “Áta nnó élé me?”

²⁰ Jisɔs ashúú εbwó meko aké, “Élé muú ayi εse ne ji détyége nye amu manta mbya né mmu akpánkpa.

²¹ Ne Maá Nte Mekwaá agbóo nye wyε ndere ηwe εsɔwɔ abó ajɔ́ mé te gachií. Utonkwa ube ne muú

ayi akpóo nyε Maá Nte Mekwaá. Ε έ! Mbogé nnó ábέ dambyé muú yimbó, mbó ελό kpaá εpwo.”

Menyéé Ata Jisós

(Mat 26:26-30; Luk 22:14-20; 1 Kor 11:23-25)

²² Ndere Jisós ne baá utóó bíí ányéε menyéé, abó ntó bréd áchyégé matame mbaá Εσωó né mmyemenéne, agyá ntó bréd yimbó ubauba, akaré mbaá baá utóó bíí ajóge aké, “Gége menyammyε wa na. Sége dényé.”

²³ Jisós abwéé ntó amó ne mmóó né mmu, achyéggé matame mbaá Εσωó, achyε baá utóó bíí ányú átu ate.

²⁴ Ajóó ne εbwó aké, “Gége manoó ma amí magbéle mbaá gejamégé bóó gétúgé menomenyε εwé Εσωó ányé ne ákwaá.

²⁵ Ngarege εnyú wáwálé nnó ndere nnyú mbó mmóó mína kwyakwya, mmagé nyú sé amícha kpaá τε nnyú nyε ami make gébéggé Εσωó aké agbarege gefwa jíí.”

²⁶ Ne εbwó ánéréggé, ákwá ekwó áféé Εσωó átané ákwó mfaá Mekwε Olif.

Jisós agaré ndere Pita áshyáa nyε jí

(Mat 26:31-35; Luk 22:31-34; Jón 13:36-38)

²⁷ Jisós ajóó ne baá utóó bíí aké, “Εnyú ako deboó nyε delyaá me ndere ásámé mmu ηwe Εσωó nnó, Εσωó aké, ‘Nwane nyε membame mágónhne ne ekwó mágónhne εláa nyε tyátyá.’

²⁸ Ne nkwlégé né negbo, mbó nyε mbe ne εnyú né gebagé mewaá Galilíí.”

²⁹ Ajógémbó, Pita aké, “Yé bóó ako ne ábó alyaa wó, me nlyágé fó wó.”

30 Jisəs ashuú ji meko aké, “Pita gó ngaré wə nnó utuú bina fi gemégé nnó menə mekwə akú ukúkúle upea, wə ɔshyaá nye ukúkúle uléé nnó ókágé me.”

31 Yémbə Pita aké, “Yé ebé lé negbo, ngbóo ne wə, nshyáá fó wə.” Wyémbə ntó ne abifə ako ájə.

*Jisəs anemmye né Getsemane
(Mat 26:36-46; Luk 22:39-46)*

32 Jisəs ne baá utəó bií ako áfé né melu ewé ákuú nnó Getsemane. Akwónégé éwu, agaré ebwó aké, “Jwólege fa, kpaá te nnérege manénemmye.”

33 Ajəgəmbə asé Pita, Jəmsi ne Jən nnó akwólé ji. Nkane ájye alə mambə gejamégé meshwe ne masómé né metəó.

34 Ajəó ne ebwó aké, “Masómé amí malú me metəó, maténe me meti negbo. Yémbə jwólege fa debə peé.”

35 Atégé yéé mmye mbə gachyéé ató mano mme, amo ushuú mme, anemmye nnó mbəgé meti élu, Esəwə apye efwyale ewémbə ekóó ji kóoge.

36 Anenemmye aké, “Nte, Nte yéé genó eyi gepwó wə gepó. Nnene wə mmye féré amó efwyale yina átáné me mmye. Yémbə pye genó eyigé wə əkelege épó fó eyigé me nkélege.”

37 Anérégé akeré meso mbaá ayi bə Pita álu, achwə báne ebwó ndere ábélege géjyá. Ape Pita, agí ji aké, “Simun, nnó enyú dékágé bífó peé ne me, yéé lé né nchwaneke ama?”

38 Bége peé, dénénemmye mbaá Esəwə nnó ékágé enyú dékpé né mmuameno. Matəó nyú ákélege nnó enyú dénénemmye yémbə menyammye nyú áwyá gepwá.”

39 Ama Iya ebwó akéré meso manemmye wye gefóge mmyemenéne eyigé ji abo anéne.

40 Ne amá akérégé ndo eyi egbeé epeá né mbaá baá utóó bíí álú, abané wye ndere ebwó ábélege géjyá néndé géjyá gejá ebwó ame dóó, ne ákaá se meko ayi áshuúge ji wó.

41 Jisós ama akérégé ndo eyi egbeé eléé, abané wye ebwó ndere ábélege, anyá ebwó aké, “Délú bélege géjyá, degbeége mmye? Gékwyá mbo, ge gébé gekwané eyigé áfyé nye Maá Nte Mekwaá né amú bóó ubeé.

42 Kwilége ka, déjye, gé muú ayi akpóo me mbo, alé chwó mé.”

Apye Jisós

(Mat 26:47-56; Luk 22:47-53; Jón 18:3-12)

43 Ndere Jisós álú jóógembo, Judas maá utóó wuú ayi ama né geluágé abi áfyaneápeá achwó ne njuné bóó enine negbáre bo aparanja ne mámbó unóó. Bóó bina élé anóó baá ámpyeeé ure Esowó ne ánleré mabé Esowó chóncho ne ákpakpa melo ne átómé ebwó nnó áchwó apye Jisós.

44 Eké epyembó, Judas abó mé mbe agaré ebwó aké, “Muú ayi me ntyaáge gége ji mbo pyége, défyéé metóó metóó nyú, déjye ne ji.”

45 Judas ákwónégé yé gébé achó sé wó, akoó cho afé mbaá Jisós aké, “Ménleré ntamé,” akpá ji atyaá.

46 Bóó bina ágégé, áchwó ápye ji agbaré ji ne amu matomato.

47 Apyégé Jisós, metóó esó maá utóó wuú ama ajuú aparanja asó etu memfwé etukpe ámpyeeé ure Esowó.

48 Εφέε ne Jis̄os agií ebwó aké, “Enyú dechwó na ne bɔ aparanja ne mámbó unó mampye me nnó me nlu menjó?

49 Me nlú fa ne enyú yéndé bií, nlerégé mekomejóó Εσωω né εcha upe, nnó débó degéé me mampye wó? Yémbɔ genó eyigé ásame mmu ηwe Εσωω gebó mampyé.”

50 Baá utóó bií ágégé mbɔ, áboó, ályaá ji.

51 Nkane ájye ne Jis̄os, ηjye gesa fɔ afyale metyεé ndeé né menyammye akwɔlege ebwó. Aké ágéne ji, ágbare ndeé yimbɔ nnó ápye ji,

52 apalé eji, alyaá abó afé gejóhéné.

Jis̄os akpe unó mpa

(*Mat 26:57-66; Luk 22:63-71; Jɔn 18:13, 14, 19-24*)

53 Ασε Jis̄os áfe ne ji mbaá etúkpe amppe upe Εσωω, ánóó baá abi ápye upe Εσωω, ánleré mabé Εσωω chóncho ne ákpakpa melɔ ájye chome wyε.

54 Pita ntó akwɔlege ebwó meso gachye, gachye kpaá te akpene né mmu dachi etúkpe amppe upe Εσωω. Εφέε ne ajye bane ámbamé dachi etukpe nnó awyagé mewε.

55 Anóó baá amppe upe Εσωω ne bɔó ako abi ájwólé mmu εcha eso, ákelé ammá mpa gebyó mamma Jis̄os mmye nnó áwá ji. Yémbɔ ágé yεé ema wó.

56 Gejamégé bɔó ákwye depɔ mámma Jis̄os mmye yémbɔ elé gebyó néndé ebwó ako ápó nya meko ama.

57 Bɔó abifɔ ákwilé ka, ábyɔge ji gebyó mmye aké,

58 “Ese déwú ndere ji ashúú mmye nnó ji ammu nyε εcha upe Εσωω ewéna ewé akwaá átené ne

ámu, ne ndo elee ekwoné gé átenege ewéchéá ewé alá tené fí ne ámu wó.”

⁵⁹ Yémbò ebwó ako apó meko ama.

⁶⁰ Efée ne etúkpe ampye upe Esowò ákwile ka né mbe ushuú bòó ako ágií Jisós aké, “Wò ntó opó ne meko manshuú né depò etire bòó ájòóge mbò nnó opye?”

⁶¹ Yémbò Jisós akwene bòmbò yé meko ashuú ji wó. Etukpe ema ñmére egií ji eké, “Wò ne ólú Maá Esowò, Muú yi Esowò akweré ji elá gefwa?”

⁶² Jisós akamé aké, “Me ne nlú, dégene nye ndere Maá Nte Mekwaá ajwolé né geluóge enó gé né egbé ebwonye Esowò ne ndere achwó nye né mfaánebuú mmu geko.”

⁶³ Etúkpe ampye upe Esowò agyá mandeé jíí né mmye manleré nnó metóó esó ji dóó, agií eso aké, “Ndé gécha démage kéle bò ntésé?”

⁶⁴ Pò déwú depò etiré ji ajòóge? Amége mmye ne Esowò, nana deké depye nnó ne ji?” Bòó ako akame aké, ekwane nnó, “Áwá ji wáne.”

⁶⁵ Efée ne bòó abifó álò mánkpo ji matye mmye, áwé ji ndeé amé, átúlege ji, ájòóge aké, “Garé esé muú ayi adoó wò?” Ámbamé echa eso áchwò se Jisós ádoó ji maka.

Pita ashya nnó akadge Jisós

(*Mat 26:69-75; Luk 22:56-62; Jón 18:15-18, 25-27*)

⁶⁶ Ndere Pita álu né dachi yimbò, maá mesò mendée fò ama né geluage abi ákpáne defwé mbaá etúkpe ampye upe Esowò achwò efée,

⁶⁷ agé ndere Pita ájwǎlé áwyaá mewε. Ape ji dómeé, ajó aké, “Wǎ ntó ɔlu gelua ne Jisǎs muú Nasaren yimbǎ.”

⁶⁸ Pita ashya aké, “Chaá-ó nkaá yé geno eyigé ǎjǎge mbǎ wǎ.” Ndere Pita akwilé manjye né meno gébámé, menǎmekwǎ mbe akú.

⁶⁹ Mesǎ mendée yimbǎ áamá ágégé Pita wye alǎ mamma jǎ ne bǎǎ abi átené eféé aké, “Mende yina alu muú bwǎ ama.”

⁷⁰ Pita ama shya wye shya eké ewyage, bǎǎ abi átené eféé áǎ mánjǎǎ ne Pita aké, “Wáwǎlé gebii gepǎ mmu, ǎkágé shya fǎ néndé ɔlu muú Galilii.”

⁷¹ Yémbǎ Pita áǎ mánkalé aké, “Mbǎgé mbyǎgé le gebyǎ mfaánebuú áshulé me mmye, nkágé fǎ mende ayi enyú déjǎge mbǎ.”

⁷² Ténéténé yimbǎ menǎ mekwǎ akú ukúkúle upeá kǎkǎǎǎǎǎǎǎǎ. Pita ate mekomejǎǎ ayi Jisǎs abǎ ájǎǎ ne ji nnó, “Gemégé nnó menǎ mekwǎ akú ukúkúle upeá ǎshya nye mánǎne aléé nnó ǎkaágé me.” Atege mbǎ anyǎ meko ngbǎ ali segé segé.

15

Afe né Jisǎs mbaá Palet

(Mat 27:1, 2, 11-14; Luk 23:1, 2; Jǎn 18:28-32)

¹ Wye ndere bii ujyaá dondo, anǎǎ baá ampye upe Eǎwǎ, ákpakpa melǎ ne ánléré mabé Eǎwǎ áchomé ne bǎǎ eso ako, ájwǎle ájǎǎ geju. Eféé ne ágbaré Jisǎs áwéle, áse ji, áfé mbaá gǎmena Palet.

² Akwǎnégé Palet agii Jisǎs aké, “Wǎ ɔlu Mfwa bǎǎ Jus wáwǎlé?” Jisǎs aké, “Elu nkane ɔjǎǎ.”

³ Ajǎgémǎ, anǎǎ baá ampye upe Eǎwǎ áǎ mammálé Jisǎs depǎ mmye matimati.

⁴ Palet ama gií Jisṓs aké, “᾿᾿pó ne meko manshuú? ᾿᾿wuú fṓ depó etíré ámmalé wṓ mmye nnó ṓpye?”

⁵ Ne yeé meko Jisṓs ashúú ji wó, ewena epye Palet alaá meno mekpo fuú.

Palet asó mpa nnó áwá Jisṓs

(Mat 27:15-26; Luk 23:13-25; Jṓn 18:39–19:16)

⁶ Gepṓge Palet gelu nnó yéndé ημε gébégé epáá koó upú bṓó Jus ábṓ mamferé muú ama né denṓ ndere bṓó ákélege.

⁷ Né gébé eyígembṓ muú denṓ fṓ alú efeé, ákuú ji Barabas. Ji ne abifṓ ákpe denṓ gétúgé bṓó abi ebwṓ áwané né efwyale ewé ebwṓ áchwṓṓ ne éwú né melṓ.

⁸ Ndere elúmbṓ, gejamégé bṓó ájye báne Palet nnó áferé muú denṓ ama ndere ápye mé yéndé epáá ewémbṓ.

⁹ Palet agií ebwṓ aké, “Enyú dékelege nnó mferé Mfwa bṓó Jus?”

¹⁰ Palet agií mbṓ elé ji akaá chájéné nnó elé wye né nchye detú ne anṓṓ baá ampye upe Esṓwṓ ápyené Jisṓs áchwṓṓ ne ji eta wuú.

¹¹ Yémbṓ anṓṓ baá ampye upe Esṓwṓ ágaré ekwṓ bṓó ewémbṓ nnó ágaré Palet aferé lé Barabas.

¹² Palet ama agií ebwṓ aké, “Enyú dékelege me mpye yeé nnó ne mende yina ayi ákuú ji Mfwa bṓó Jus?”

¹³ Ne ebwṓ ako ákalé kénké aké, “Wó ji né gekwa.”

¹⁴ Palet ama gií ebwṓ aké, “Ndé gabo ayi ji ápyeé?” Yémbṓ ákpe kále kénké né eshye aké, “Áwṓ ji né gekwa.”

15 Nnó Palet apye matṓ ágṓṓ bṓṓ Jus, aferé Barabas né denṓ. Agaré bṓṓ bee bií nnó átulé Jisṓs ne geto, ánerégé, áwó ji né gekwa.

*Bṓṓ bee ájwyage Jisṓs
(Mat 27:27; Jṓn 19:2, 3)*

16 Bṓṓ bee bimṓṓ ánerégé mantulé Jisṓs, ája ji áfé mmu εcha gṓmena. Akuú bṓṓ bee ako né geluá gebwó.

17 Afyé ji nkúu megélé, áto εla meshíí eke εla mfwa ákweré ji mekpo.

18 Apyεgémṓ, álṓ manjwyagé ji áké, “Mfwa bṓṓ Jus, neki nébé ne wṓ.”

19 Ne álṓ mándógé ji unṓṓ né mekpo. Akpó ji matyé mmyε, áto manó mme mampyε eké anóge ji.

20 Anérégé mánjwya ji, aferé nkúu megélé yimṓṓ ákeré áfyε ji mandeé jíí né menyammyε wuú. Aja ji átane né melṓ manjyε wó né gekwa.

*Awó Jisṓs né gekwa
(Mat 27:32-44; Luk 23:26-43; Jṓn 19:17-27)*

21 Nṓere ájyεé átuú ne mende fṓ ayi akamege Simun muú melṓ Seren nkane atané melṓ wuú ajyεé né Jerosale. Bṓṓ bee bimṓṓ ágbaré ji kpékpé nnó akpá gekwagé Jisṓs. Simun alu nte bṓ Aleksanda ne Rufṓs.

22 Afé né Jisṓs né mbaá ayi ákúu nnó Golgota. Ula utané nnó melú Uṓkṓṓkṓ makpo.

23 Achyεé ji mmṓṓ amí áchwaré ne uka εbí ákuú nnó myrrh * Yémbṓ Jisṓs ashya manyú.

* 15:23 Ελί wáwálé nnó: Myrrh εle uka bi úlú nya mampyε nnó muú awuúge fṓ ubale dṓṓ.

24 Ala wye efée mbɔ, áwɔ́ ji né gekwa, áñme gefógé megyaá fɔ nnó ákáré mandeé jí eyi yéndémuú aséle.

25 Awó Jisɔs né gekwa né kálánka eneneama né dondo.

26 Abó gebagé genɔ́ áwɔ́ mfaá mekpo gekwa eyigé áwómé Jisɔs wyeé, ása genó eyigé áké ji apye ne áwóme ji. Aké, “Mfwa bɔ́ Jus.”

27 Awó ntó ánjo apea gebégé gema ne Jisɔs, ama alu né egbé ebwɔnye wuú ayifɔ́ né egbé ebwɔbe wuú. Yéndémuú bwɔ́ álu né mfaá gekwa jíí.

28 Mechɔ́ ewéna épye nnó ébé wáwálé nkane mekomejɔ́ Esɔwɔ́ ájɔ́ nnó áfyé ji mmu mpa bɔ́ ubeé. †

29 Ne bɔ́ abi ákoge koógé ájúu Jisɔs mashye mmye, ákamege ne makpo, ákálege áké, “É é, Pó wɔ́ ne áké ɔmmu nye echa upe Esɔwɔ́ gemégé nnó ndɔ́ elé ekwóné wɔ́ ɔmage téne ewéchá?”

30 Poó gеме jyé ɔtáné mfaá gekwa ɔshulé mme.”

31 Wyémbɔ́ ntó ne anɔ́ baá ampye upe Esɔwɔ́ ne ánleré mabé Esɔwɔ́ ntó ájwyáge ji áké, “Apoóge bɔ́ bí chachá, akaáge poó fɔ́ gеме jíí.

32 Aké ji alu Muú yi Esɔwɔ́ akweré ji elá gefwa, áma jɔ́ áke ji alu Mfwa bɔ́ Isréli, átáné mfaá gekwa áshuúlé mme. Apyegé mbɔ́, ese défyéé matɔ́ ne ji.” Anjo bimbɔ́ abi áwómé ntó ebwɔ́ né ukwa, ájúu Jisɔs mashye mmye.

Negboné Jisɔs

(Mat 27:45-56; Luk 23:44-49; Jɔn 19:28-30)

† 15:28 Elú wáwálé nnó: Melo ñwe ewena né ukwene bɔ́ ñwe abifo áfyé ewu né ukelenge pe KJV ne TEV.

33 Metós ηωmese, kálánká efyáneépeá eké ékwónege, ημεέ enomé, gemmua gékwé né melo meko kpaá te kálánká eleé.

34 Kálánka eleé eyimbó, Jisós aló mánkalé kénké aké, “Éloi, eloi lama saba tani, ula utené nnó Esówo wa, Esówo wa, ndé olyaá me mbií né efwyale?”

35 Bós abifó abi áténé eféé áwúgé ndere Jisós ajóge mbó áferé aké, “Akuú mbó lé Elija muú ekpávéné Esówo.”

36 Muú ama né geluage bós bimbó abó gatélé aje bó ekochá, áwe ne genós anyua né mmú mmós amí mamýáme, abweé até Jisós né ubós meno nnó ányú. Ajós aké, “Degé kpé nnó Elija achwó feré nyé ji mfaá gekwa yi.”

37 Ne Jisós ama akále kénké, ashulé kwyakwya geféré h-ε-m metós ekwé.

38 Wyé ndere Jisós ágbó, ndeé eyi ekaré echa upe Esówo, egyalé uba upeá te mfaá gba-ra-ra-ra etya mme.

39 Muú kpaá bós bee † ayi atene eféé agegé gefós eyige Jisós akalé ne ale gbó aké, “Wáwálé mende yina alu Maá Esówo.”

40 Gébé eyigémbó ntó, andée fó áténé nya tete ágéné yéndégenó eyi gepyé ne Jisós. Né geluage andée bina Meri ayi atané melo Magdala, Salóme, ne Meri mma Jemsi ayi mamane kó ebwó ne Jose álu ntó wyé.

41 Gébégé Jisós alu né Galilií andée bina ábó ákwólege ji, ama ápóge ji ntó, andée abifó abi átane Jerosale ákwóle Jisós álu ntó wyé.

† 15:39 Elí wáwálé nnó: Muú kpaá bós bee Rom alu muú yi apele usaá bós bee uta.

*Anii Jisəs**(Mat 27:57-61; Luk 23:50-56; Jən 19:38-42)*

⁴² Jisəs agbó bií bí bɔ́ Jus ako ákpomége mmye nnó né nkwale álo mányé uwyaá bwó. Nɔ́ere bií ule koó,

⁴³ mende fɔ́ ayi ákuú ji Josef achwó. Alu muú melo Arimatya, alu muú ayi anoge ji dɔ́ó né eso bɔ́ó Jus, ji abɔ́ agile ntó gébé eyigé Esɔ́wɔ́ achwɔ́ gbáre nye gefwa jí. Akpome mmye nkane mende, ajye báne Palet agí ji nnó achye ji utó nnó ajye áferé genkwógé Jisəs né mfaá gekwa.

⁴⁴ Agigé mbɔ́, Palet alaá meno fuú mánwu nnó Jisəs agbó me. Akú muú kpaá bɔ́ó bee agí ji wá Jisəs agbóó mé.

⁴⁵ Muú kpaá bɔ́ó bee yimbɔ́ akamé nnó agbo, eféé ne Pálet akamé nnó Josef akáge jye feré genkwógé Jisəs né gekwa.

⁴⁶ Josef ajye na éshyé ndeé pópó, aféré genkwógé Jisəs né gekwa, afyalé géjí ne éshyéé ndeé eyimbɔ́, akpa ajye fyé mmu menome ewé áchomé mmu etárávé. Abogéné gekpékpégé ntaá agbé meno menome ewembɔ́.

⁴⁷ Méri muú melo Magdala ne Méri ayi mmá Jose ágé mbaá ayi ábelé genkwógé Jisəs.

16*Jisəs akwilé né negbo**(Mat 28:1-10; Luk 24:1-12; Jən 20:1-10)*

¹ Bií uwyaá bwó ukógé, Méri muú melo Magdala, Salome ne Méri mmá Jemsi ájye na mawéé gebéé nnó ájye gbere né genkwógé Jisəs.

² Ne dondo bií mbe né uwyaá, ndere mbe nme atane, ebwó ájye né menome ewé aní Jisəs.

³ Agíge ate áké, “Waá ábogéné nye esé gekpékpé ntaá eníné ágbε mbɔ menome”?

⁴ Aké ákwonege wye, áge nnó ábogéné mé ntaá enínémbɔ néla babá nelu gekpékpé ntaá.

⁵ Ndere ebwó ákpene mmu menome ewémbɔ, áge nnye gesa fɔ ajwólé né egbé ebwonye bwó, afye ewule pópó. Ebwó ágégé mbɔ alá mano mekpó fuú.

⁶ Nnye gesa yimbɔ ajɔ́ ne ebwó aké, “Défɔgé. Nkaá nnó dékelege mbɔ lé Jisɔs muú Nasaret ayi ábɔ áwómé nya ji né gekwa, apó sé fa, Esɔwɔ apye ji akwilé né negbo. Gége melú ewé ábɔ́ ábelé ji.

⁷ Kéregé meso dégaré Pita ne baá utɔ́ bíí abifɔ nnó ji abɔ́ mé mbe ne enyú afé né Galilíí; dégené nye ji ewú wye ndere ji abɔ́ agaré enyú.”

⁸ Andée bimbɔ átáné né menome ne gatelé, áwére ne efɔ metɔ́, ne yeé muú fɔ agaré ebwó geno eyíge pye wó gétúgέ efɔ ewe elú ebwó matɔ́. *

Jisɔs aleré mmye mbaá Meri yi Magdala

⁹ [Dondo bíí mbe uwyaá ebi Jisɔs akwilé né negbɔ, abɔ́ mbe aleré mmye mbaá Meri muú melo Magdala. Jisɔs abɔ́ aferé nya ji aló nchye akénéama mmye.

¹⁰ Meri afe agáre ájeé bíí abi ebwó ábɔ́ ákεne nya ne Jisɔs ne ábane ebwó ndere álíle, ásómege.

¹¹ Yé lé ebwó áwuú nnó Jisɔs álú mebe Meri muú melo Magdala agé ji, ákamé fɔ nnó elu wáwálé wó.

Jisɔs alere mmye mbaá baá utɔ́ bíí apea

¹² Ewyágé Jisɔs akwó mbe ushuú baá utɔ́ bíí apea né gefɔ́ eyigé alá kaáge sé ji gébégé ebwó akεne ájye né meti.

* **16:8** Elú wáwálé nnó: Malo ηwe yina 9-20 ápó né ukwene bɔ ηwe bifɔ.

13 Ebowo akaage nnó muú yi ágene mbo ele Jisós, ákeré meso ájye garé baá utóó bifo yémbó ye muú bwó yi akamé nnó élú wáwálé ápó.

Jisós alere mmye mbaá baá utóó bií afyaneama
(Mat 28:16-20; Luk 24:36-49; Jón 20:19-23; Anḡ 1:6-8)

14 Ema ewyagé ndere baá utóó bií ájwólé ányéé menyéé, akwó ebwó ushuú aló mawéé ebwó gétúgé alá pò né ukáme ne matóó ayi ebwó áḡea alá kamé mekomejóó bóó abi ágené nnó ji akwilé né negbo wó.

15 Ajóó ne bwó aké, “Chóge né maló mme meko dégarége bóó abyá Eṣowó melóméló.

16 Muú ayi akamégé mekomejóó yina ne áwyaáge ji manaá Eṣowó, áférege nyé ji né efwyale gabo. Ne muú ayi alá kamé mekomejóó yina wó, ákwéne nyé mpa Eṣowó.

17 Gé unó bi upye nyé ne bóó abi akamé ne Eṣowó na. Né mabó ma ábuú nyé aló nchye, ájoge nyé ufóó mejóó ebi alá kaáge fó.

18 Agbárege nyé mmyó ne ámu ne ye ányú le uka ubo yéé geno eyi gepye ebwó gepó. Anérége bóó mameé amu mmye, átóge.”

Jisós akwó afé mfaánebuú

19 Ata Jisós anérége mánjóó depó tire na, Eṣowó ase ji akwó afé né mfaánebuú. Ajwólé né geluoge enógé né egbé ebwónyé nte wuú Eṣowó.

20 Baá utóó bií ntó alá mbo ákeré, ákené ágarége bóó mekomejóó Eṣowó né maló mme mako. Atá Jisós ntó alu ne ebwó achyege ebwó utóó ápyéé ufélekpá mánleré nnó mekomejóó bwó alu wáwálé.]

Ν_{WE} menomenyεέ mekέ
New Testament in Denya (CM:anv:Denya)

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Denya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 1 Oct 2024 from source files
dated 29 Jan 2022
d773c38c-82ca-51fa-b995-6754070ca57e